

萬 有 文 庫

第一集一千種

王 雲 五 主 編

宋 十 六 名 家 詞

(四)

毛 晉 編

商務印書館發行

宋十六名家詞

(四)

毛晉編

國學基本叢書

稼軒詞目錄

卷第一

哨遍 三調

六州歌頭 一調

蘭陵王 二調

賀新郎 二調

念奴嬌 十九調

沁園春 十三調

水調歌頭 三十調

玉蝴蝶 二調

卷第二

滿江紅 三十調

木蘭花慢 四調

水龍吟 十三調

摸魚兒 三調

西河 一調

永遇樂 五調

歸朝歡 四調

一枝花 一調

喜遷鶯 一調

瑞鶴仙 三調

聲聲慢 四調

八聲甘州 二調

雨中花慢 二調

漢宮春 六調

滿庭芳 四調

六么令 二調

醉翁操 一調

醜奴兒近 一調

洞仙歌 四調

驀山溪 二調

最高樓 八調

上西平 二調

卷第三

新荷葉 五調

御街行 二調

祝英臺近 二調

婆羅門引 五調

千年調 二調

粉蝶兒 一調

千秋歲 一調

江神子 十二調

青玉案 一調

感皇恩 五調

行香子 四調

一剪梅 二調

踏沙行 四調

定風波 十一調

破陣子 五調

臨江仙 二十調

蝶戀花 十二調

小重山 三調

南鄉子 五調

鷓鴣天 五十調

瑞鷓鴣 五調

卷第四

玉樓春 十七調

鵲橋仙 七調

西江月

調十五

朝中措

五調

清平樂

調十五

好事近

四調

菩薩蠻

調十三

卜算子

調十三

醜奴兒

調八

浣溪沙

調十五

山花子

調八

虞美人

調四

浪淘沙

調三

減字木蘭花

調三

南歌子

調三

醉太平

調一

漁家傲

調一

錦帳春

調一

太常引

調四

東坡引

調三

夜遊宮

調一

戀繡衾

調一

杏花天

調三

唐河傳

調一

醉花陰

調一

品令

調一

惜分飛

調一

柳梢青

調三

河瀆神

調一

武陵春

調二

謁金門

調三

酒泉子

調一

霜天曉角

調二

點絳脣

調二

生查子

調十

尋芳艸

調一

阮郎歸

調一

昭君怨

調三

烏夜啼

調三

一絡索

調二

如夢令

調一

憶王孫

調一

稼軒詞目錄

終

稼軒詞

宋 辛棄疾

哨遍 扶水觀

蝸角鬪爭左觸右蟹一戰連千里君試思方寸
此心微總虛空并包無際喻此理何言泰山毫
末從來天地一稊米嗟小大相形鳩鵲自樂之
二蟲又何知記跖行仁義孔丘非更殤樂長年
老彭悲大鼠論寒水蠶語熟定誰同異 噫賢
賤隨時連城纔換一羊皮誰與齊萬物莊周吾
夢見之正商略選篇翩然顧笑空堂夢覺題秋
水有客問洪河百川灌雨淫流不辨涯沃於是
焉河伯欣然喜以天下之美盡在己渺蒼溟望
洋東視逡巡向若驚歎謂我非蓬子大方達觀
之家未免長見悠然笑耳此堂之水幾何其但
清溪一曲而已

又 用前韻

一壑自專五柳笑人晚乃歸田里問誰知幾者

動之微望飛鴻冥冥天際論妙理濁醪正堪長

醉從今自釀躬耕米嗟美惡難齊盈虛如代天

耶何必人知試回頭五十九年非但夢裏歡娛

覺來悲慶乃憐蚊蝮亦亡羊算來何異 嗜物

諱寤時豐狐文豹罪因皮富賢非吾願違違乎

欲向之正萬籟都沉月明中夜心彌萬里清如

水却自覺神遊歸來坐對依稀淮岸江溪看一

時魚鳥忘情喜會我已忘機更忘已又何曾物

我相視非魚濠上遺意要是吾非子但教河伯

休慚海若大小均為水耳世間喜愠更何其笑

先生三仕三已

又

謂昌文之韻季思學士退居鄞園有亭

名魚計字文叔通為作古賦今昌文之

弟成於所居鑿池築亭榜以舊名為

成文作詩屬余賦哨遍莊周論於蟻樂

知於魚得計於羊素意其義美矣然上

文論盡託於承而得笑羊肉為蟻所慕

而致殘下文將併結二義乃獨置承盡

不言而連論魚其義無所從起又關於

羊蟻兩句之間使羊蟻之義離不相屬何耶其必有淡意存焉顧後人未之曉耳或言蟻得水而死羊得水而病魚得水而活此最穿鑿不成意趣余嘗反復尋繹終未能得意世必有能讀此書而了其義者他日倘見之而問焉始先識余疑於此詞云爾

池上主人適忘魚魚適忘水洋洋乎翠藻
青萍裏相魚兮無便於此嘗試息莊周談兩事
一明豕蝨一羊蟻說蟻慕於羶於蟻弃知又說
於羊棄意甚蝨焚於豕獨忘之却驟說於魚為
得計千古遺文我不知言以我非子 噫子固
非魚魚之為計子焉知河水淡且廣風濤萬頃
堪依有網罟如雲鵜鷗成陣過而畱泣計應非
其外海茫茫下有龍伯飢時一啖千里更任公
五十捨為餌使海上人人厭腥味似鷗鵬變化
幾東遊入海此計直以命為嬉古來謬算狂圖
五鼎烹死栢為平地嗟魚欲事遠遊時請三思
而行可矣

六州歌頭

屬得戎虜善醫者與曉其狀小愈困臥無聊戲作以自釋

晨來問疾有鶴止庭隅吾語汝只三事大愁余
病難扶手種青松樹碍梅塢妨花逕纔數尺如
人立却須鋤 秋水堂前曲沼明於鏡可燭眉
鬢被山頭急雨耕壟灌泥塗誰使吾虛映汚渠
歎青山好蒼竹遮欲盡有還無刪竹去吾乍
可食無魚愛扶疎又欲為山計千百慮累吾軀
凡病此吾過矣子奚知口不能言臆對雖虛
扁藥石難除有要言妙道往問北山愚庶有瘳
乎
蘭陵王 賦一丘
一丘壑老子風流占却茅簷上松月桂雲脉脉
石泉逗山脚尋思前事錯惱殺晨猿夜鶴終須
是鄧禹輩人錦繡麻霞坐黃閣 長歌自深酌
看天闔為飛淵靜魚躍西風黃菊香噴薄悵日
算雲合佳人何處納蘭結佩帶杜若入江海會

約 遇合事難托莫擊磬門前荷蕢人過仰天
大笑冠簪落待說與窮達不須疑著古來賢者
進亦樂退亦樂

又

已未八月二十日夜夢有人以石研磨見鑲者其色如玉光潤可愛中有一牛磨角作鬪狀云湘潭里有張其姓者多力善鬪流張難敵一日與人博馬戲忿赴河而死居三日其家人來視之浮水上明牛耳自後拉水之山往往有此石或得之里中輒不刊夢中異之為作詩數百言大抵皆取古之怨憤變化異物等事覺而忘其言後三日賦詞以識其異

恨之極恨極銷磨不得長弘事人道後來其血
三年化為碧鄭人緩也泣吾父攻儒助墨十年
夢沈痛化余秋柏之間既為實 相思重相憶
被怨結中腸潛動精魄望夫江上巖巖立嗟一
念中變後期長絕君看啓母憤所激又俄頃為
石 難敵最力甚一念沉淵精氣為物依然
困鬪牛磨角用便影入山骨至今雕啄尋思人
世只合化夢中蝶

賀新郎 賦水仙

雲臥衣裳冷看蕭然風前月下水邊幽影羅襪
生塵凌波去湯沐煙波萬頃愛一點嬌黃成暈
不記相逢曾解佩甚多情為我香成陣待和淚
收殘粉 靈均千古懷沙恨記當時恩恩忘把
此仙題品煙雨淒迷倜傥損翠袂搖搖誰整護
寫入瑤琴幽憤絃斷招魂無人賦但金杯的皜
銀臺潤愁帶酒又獨醒

又 賦海

著厭霓裳素染臙脂苧羅山下浣沙溪渡誰與
流霞千古醞引得東風相誤從吏入吳宮溪處
鬢亂釵橫渾不醒轉越江剡地迷歸路煙艇小
五湖去 當時倩得春留住就錦屏一曲種種
斷腸風度纔是清明三月近須要詩人妙句笑
援筆慙慙為賦十樣蠻牋紋錯綺繁珠璣淵擲
驚風雨重喚酒共花語

又 賦 雁 王 閣

高閣臨江渚訪層城空餘舊迹黯然懷古畫棟
朱簾當日事不見朝雲暮雨但遺下西山南浦
天宇修眉浮新綠映悠悠潭影恨如故空有恨
奈何許 王郎健筆誇翹楚到如今落霞孤鶩
鏡傳佳句物換星移知幾度夢想珠歌翠舞為
徒倚闌干凝佇目斷平蕪蒼波晚快江風一瞬
澄襟曷誰共飲有詩侶

又 賦 雁

鳳尾龍香撥自開元霓裳曲罷幾番風月最苦
潯陽江頭客畫舸亭亭待發記出塞黃雲堆雪
馬上離愁三萬里望昭陽宮殿孤鴻沒絃解語
恨難說 遠陽驛使音塵絕瑣窗寒輕攏撥撚
珠淚盈睫推手含情還却手一抹梁州哀徹千
古事雲飛煙滅賀老定傷無消息想沉香亭北
繁華歌彈到此為嗚咽

又

柳暗凌波路送春歸猛風暴雨一番新綠千里
瀟湘葡萄漲入解扁舟欲去又檣燕畱人相語
艇子飛來生塵步唾花寒唱我新番句波似箭
催鳴櫓 黃陵祠下山無數聽湘娥冷泠曲罷
為誰情苦行到東吳春已暮正江濶潮平穩渡
望金雀觚稜翔舞前度劉郎今重到問玄都千
樹花存否愁為倩么絃訴

又

陳同父自東陽來過余留十日與之同
游鵝湖且會朱晦菴於紫溪不至飄然
東歸既別之明日余意中殊戀戀使欲
追路至鷺鷥林則雪深泥滑不得前矣
獨飲方村悵然久之頗恨挽留之不遂
也夜半投宿吳氏泉湖四望樓聞隣笛
悲甚為賦乳燕乘以見意又五日同父
書來索詞心所同然者如此可發千里
笑一

把酒長亭說看淵明風流酷似臥龍諸葛何處
飛來林間鵲蹙踏松梢殘雪要破帽多添華髮
剝水殘山無態度被疎梅料理成風月兩三鴈

也蕭瑟 佳人重約還輕別 悵清江天寒不渡
水溪水合路斷車輪生四角 此地行人銷骨問
誰使君來愁絕鑄就而今相思錯料當初費盡
人間鐵長夜笛莫吹裂

又 同父見和再
用韻答之

老大那堪說似而今元龍臭味孟公瓜葛我病
君來高歌飲驚散樓頭飛雪笑富賚千鈞如髮
硬語盤空誰來聽記當時只有西窗月重進酒
換鳴瑟 事無兩樣人心別問渠儂神州畢竟
幾番離合汗血鹽車無人顧千里空收駿骨正
目斷關河路絕我最憐君中宵舞道男兒到此
心如鐵看試手補天裂

又 用前韻贈金
華杜仲高

細把君詩說恍餘音鈞天浩蕩洞庭膠葛千丈
陰崖塵不到惟有層水積雪乍一見寒生毛髮
自咎佳人多薄命對古來一片傷心月金屋冷

夜調瑟 去天尺五君家別看乘空魚龍慘淡
風雲開合起望衣冠神州路白日銷殘戰骨歎
夷甫諸人清絕夜半狂歌悲風起聽錚錚陣馬
簷間鐵南共北正分裂

又 三山中游西
湖有懷趙丞相

翠浪吞平野挽天河誰來照影臥龍山下煙雨
偏宜晴更好約略西施未嫁待細把江山圖畫
千項光中堆灑瀕似扁舟欲下瞿塘馬中有句
浩難寫 詩人例入西湖社記風流重來手種
綠成陰也陌上游人誇故十里水晶臺榭更複
道橫空清夜粉黛中洲歌妙曲問當年魚鳥無
存者堂上燕又長夏

又 和韻

覓句如東野想錢塘風流處士水仙祠下更憶
小孤煙浪裏望斷彭郎欲嫁是一色空濛難畫
誰解胸中吞雲夢試呼來艸賦看司馬須更把

上林寫 雞豚舊日漁樵社問先生帶湖春漲
幾時歸也為愛瑠璃三萬頃正臥水亭煙榭對
玉塢激瀾溪夜鴈鷺如雲休報事被詩逢敵手
皆勅者春艸夢也宜夏

又和前韻

碧海成桑野笑人間江翻平陸水雲高下自是
三山顏色好更看雨婚煙嫁料未必龍眠能畫
擬向詩入求幼婦倩諸君妙手皆談馬須進酒
為陶寫 回頭鷗鷺瓢泉社莫吟詩莫拋酒尊
是吾盟也千騎而今遮白髮忘却滄浪亭榭但
記得瀟陵呵夜我輩從來文字飲怕壯懷激烈
須歌者蟬噪也綠陰夏

又別茂嘉十二弟鶴鳩社
鶴實兩種見離騷補註

綠樹聽鶉鳩更那堪鷓鴣聲住杜鵑聲切啼到
春歸無尋處苦恨芳菲都歇筭未抵人間離別
馬上琵琶關塞黑更長門翠輦辭金闕看燕燕

送歸妾 將軍百戰身名烈向河梁回頭萬里
故人長絕易水蕭蕭西風冷滿座衣冠似雪正
壯士悲歌未徹啼鳥還知如許恨料不啼清淚
長啼血誰共我醉明月

又題趙善善龍閣
東山小魯亭

下馬東山路恍臨風周情孔思悠然千古寂寞
東家丘何在縹緲危亭小魯試重上巖巖高處
更憶公歸西悲日正濛濛陌上多零雨嗟費却
幾章句 謝公雅志還成趣記風流中年懷抱
長攜歌舞政爾良難君臣事晚聽秦箏聲苦快
滿眼松篁千畝把似渠垂功名淚筭何如且作
溪山主雙白鳥又飛去

又題傅君
用山園

會與東山約為儵魚從容分得清泉一勺堪笑
高人讀書處多少松窗竹閣甚長被遊人占却
萬卷何言達時用士方窮早與人同樂新種得

幾花藥 山頭怪石蹲秋鶻俯人間塵埃野馬
孤撐高樓拄杖危亭扶未到已覺雲生兩脚更
換却朝來毛髮此地千年曾物化莫呼猿且自
多招鶴吾亦有一丘壑

又用韻題趙晉臣放文積翠巖余謂當築於其前

拄杖重來約到東風洞庭張樂滿空簫勺巨海
拔犀頭角出東向北山高閣尚依舊爭前又却
老我傷懷登臨際問何方可以平哀樂唯是酒
萬金藥 勸君且作橫空鶚更休論人間腥腐
紛紛烏攫九萬里風斯在下翻覆雲頭雨脚快
直上崑崙濯髮好臥長虹陂千里是誰言聽取
雙黃鶴攜翠影浸雲壑

又韓仲止判院山中見訪席上用前韻

聽我三章約有談功談名者舞談經淡酌作賦
相如親滌器識字子雲投閣算枉把精神費却
此會不如公榮者莫呼來政爾妨人樂醫俗士

苦無藥 當年眾鳥看孤鶻意飄然橫空直把
曹吞割攫老我山中誰是伴須信寤愁有脚似
剪盡還生僧髮自斷此生天休問倩何人說與
乘軒鶴吾有志在丘壑

又邑中國亭僕皆為賦此詞一日獨坐伴雲水盤山色鏡來相疑意溪山欲援劍者遂作數語庶幾彷彿

甚矣吾衰矣悵平生交游零落只今餘幾白髮
空垂三千丈一笑人間萬事問何物能令公喜
我見青山多嫵媚料青山見我應如是情與貌
略相似 一尊搔首東窗裏想淵明停雲詩就
此時風味江左沈酣求明者豈識濁醪妙理回
首叫雲飛風起不恨古人吾不見恨古人不見
吾狂耳知我者二三子

又再用前韻

鳥倦飛還矣笑淵明餅中儲粟有無能幾蓮社
高人留翁語我醉寧論許事試沽酒重酌翁喜

一見蕭然音韻古想東籬醉臥參差是千載下
竟誰似 元龍百尺高樓裏把新詩慙慙問我
停雲情味北夏門高從拉攏何事須人料理翁
會道繁華朝起塵土人言寧可用顧青山與我
何如耳歌且和楚狂子

又 題傅巖叟
悠然閣

路入門前柳到君家悠然細說淵明重九晚歲
妻其無諸葛惟有黃花入手更風雨東籬依舊
頽顛南山高如許是先生拄杖歸來後山不記
何年有 是中不減康廬秀倩西風為吾喚起
翁能來否鳥倦飛還平林去雲自無心出岫賸
準備新詩幾首欲辨忘言當年意慨遙遙我去
義農久天下事可無酒

又 出前韻
再賦

肘後俄生柳歎人生不如意事十常八九右手
淋浪才有用閒却持螯左手謾贏得傷今感舊

役閣先生惟寂寞笑是非不了身前後持此語
問烏有 青山幸自重秀問新來蕭蕭木落
頗堪秋否總被西風都瘦損依舊千崑萬岫把
萬事無言搔首翁比渠儂人誰好是我常與我
周旋久寧作我一盃酒

又 巖和之好古博雅以嚴李杜好取堂莊
子凌四事曰歲上曰灑渠曰高澤曰嚴

湖為四圖屬余賦詞余為蜀君干之高
揚子雲所謂雖隨和何以如諸君在孟
堅獨取子雲所稱連為王貢諸傳序引
不敢以其姓名列諸傳尊之也故余謂
和之當併圖君平像置之四圖之間庶
幾嚴氏之高節備焉作乳燕飛詞使歌
之

濮上着垂釣更風流羊裘澤畔精神孤矯楚漢
黃金公卿印比看漁竿誰小但過眼纔堪一笑
惠子焉知濠梁樂望桐江千丈高臺好煙雨外
幾魚鳥 古來如許高人少細平章兩翁似與
巢山同調已被堯知方洗耳畢竟塵汚人了要
名字人間如掃我愛蜀莊沈冥者解門前不使

徵車到君爲我盡三老

又和徐斯遠下第
謝諸公載酒韻

逸氣軒眉宇似王良輕車熟路驩
驅欲舞我覺君非池中物咫尺蛟龍雲雨時與命猶須天賦
蘭佩芳非無人問歎靈均欲向重華訴空鬱鬱
英誰語 兒曹不料楊雄賦怪當年甘泉誤說
青蔥玉樹風引船回滄溟闊目斷三山伊阻但
笑指吾廬何許門外蒼官三百輩盡堂堂八尺
鬚髯古誰載我帶湖去

念奴嬌書東流
村壁

野塘花落又匆匆過了清明時節刻地東風欺
客夢一枕雲屏寒怯曲岸持觴垂楊繫馬此地
曾輕別樓空人去舊遊飛燕能說 聞道綺陌
東頭行人曾見簾底纖纖月舊恨春江流不斷
新恨雲山千疊料得明朝尊前重見鏡裏花難
折也應驚問近來多少華髮

又登建康賞心亭
呈史留守致道

我來吊古上危樓贏得閒愁千斛虎踞龍盤何
處是只有興亡滿目柳外斜陽水邊歸鳥隴上
吹喬木片帆西去一聲誰噴霜竹 却憶安石
風流東山歲晚淚落哀箏曲兒輩功名都付與
長日惟消碁局寶鏡難尋碧雲將莫誰勸盃中
綠江頭風怒朝來波浪翻屋

又西湖和
人韻

晚風吹雨戰新荷聲亂明珠蒼壁誰把香奩收
寶鏡雲錦周遭紅碧飛鳥翻空遊魚吹浪慣趁
笙歌席坐中豪氣看君一飲千石 遙想處士
風流鶴隨人去已作飛僊客茆舍疎籬今在否
松竹已非疇昔欲說當年望湖樓下水與雲寬
窄醉中休問斷腸桃葉消息

又和韓南潤載酒
見過雲棲觀雪

兔園舊賞悵遺踪飛鳥千山都絕縞帶銀盃江

上路惟有南枝香別萬事新奇青山一夜對我
頭先白倚巖千樹玉龍飛上瓊闕 莫憎霧鬢
雲鬢試教騎鶴去約尊前月自與詩翁磨凍硯
看掃幽蘭新闕便擬明年人間揮汗留斫層冰
潔此君何事晚來曾為腰折

又賦兩巖勁
朱希真體

近來何處有吾愁何處還知吾樂一點淒涼千
古意獨倚西風寥闕剪竹尋泉和雲種樹喚做
真閒箇此心閒處未應長籍丘壑 休說往事
皆非而今覺是且把酒尊酌醉裏不知誰是我
非月非雲非鶴露冷松梢風高桂子醉了還醒
却北窗高臥莫教啼鳥驚著

又雙陸和陳
仁和韻

少年橫槊氣憑陵酒聖詩豪餘事袖手傍觀初
未識兩兩三三而已變化須臾鷗翻石鏡鵲抵
星橋外搗殘秋練玉砧猶想纖指 堪笑千古

爭心等閒一勝拚了光陰費老子忘機渾漫與
鴻鵠飛來天際武媚宮中章娘局上休把興亡
記布衣百萬看君一笑沉醉

又賦白牡丹和
范先之韻

對花何似似吳宮初教翠圍紅陣欲笑還愁羞
不語惟有傾城嬌韻翠蓋風流牙籤名字舊賞
那堪省天香染露曉來衣潤誰整 最愛弄玉
團酥就中一朵曾入揚州詠華屋金盤人未醒
燕子飛來春盡最憶當年沉香亭北無限春風
恨醉中休問夜深花睡香冷

又和信守王道
夫席上韻

風狂雨橫是邀勒園林幾多桃李待上層樓無
氣力塵滿欄干誰倚傷火添衣移香就枕莫捲
朱簾起元宵過也春寒猶自如此 為問幾日
新晴鳩鳴屋上鵲報簷前喜措拭老來詩句眼
要看拍堤春水月下憑肩花邊繫馬此興今休

矣溪南酒賤光陰只在彈指

戲贈善作墨梅者

江南盡處墮玉京僊子絕塵英秀彩筆風流偏
解寫姑射水姿清瘦笑殺春工細窺天巧妙絕
應難有丹青圖畫一時都愧凡陋 還似籬落
孤山嫩寒清曉祇欠香沾袖淡竚輕盈誰付與
弄粉調朱纖手疑是花神竭來人世占得佳名
久松篁佳韻倩君添做三友

又題梅

疎疎淡淡問阿誰堪比太真顏色笑殺東君虛
占斷多少朱朱白白雪裏溫柔水邊明秀不俗
春工力骨清香嫩迥然天與奇絕 嘗記寶禦
寒輕瑣窗睡起玉纖輕摘潔泊天涯空瘦損猶
有當年標格萬里風煙一溪霜月未怕欺他得
不如歸去闔風有箇人恰

飄泉酒酌加東坡韻

倘來軒冕問還是今古人間何物舊日重城愁

萬里風月而今堅壁藥籠功名酒壚身世可憐

蒙頭雪浩歌一曲坐中人物三傑 休歎黃菊

凋零孤標應也有梅花爭發醉裏重揩西望眼

惟有孤鴻明滅萬事從教浮雲來去枉了衝冠

髮故人何在長庚應伴殘月

再用韻和洪莘之通判丹桂詞

道人元是道家風來作煙霞中物噫裁犀遮不
定紅透玲瓏油壁借得春工惹將秋露薰做江
梅雪我評花譜便應推此為傑 憔悴何處芳
枝十郎手種看明年花發生斷虛空香色界不
怕西風起滅別駕風流多情更要簪滿嫦娥髮
等閒折盡玉斧重倩修月

又

洞庭春晚舊傳恐是人間尤物收拾瑤池傾國
艷來向朱欄一壁透戶龍香隔簾鶯語料得肌

如雪月妖真態是誰教避人傑 酒罷歸對寒窗相闔昨夜應是梅花發賦了高唐猶想像不

管孤燈明滅半面難期多情易感愁幾點星星

髮繞梁聲在為伊忘味三月

又 趙晉臣數文十月望生日自賦詞屬余和韻

看公風骨似長松磊落多生奇節世上兒曹都

蓄縮凍芋芴堆秋隄結屋溪頭境隨人勝不是

江山別紫雲如陣妙歌爭唱新闌 尊酒一笑

相逢與公臭味菊花蘭須悅天上四時調玉燭

萬事宜詢黃髮看取東歸周家叔父手把元龜

說祝公長似十分今夜明月

又 和趙國典知錄韻

為沽美酒過溪來誰道幽人難致更覺元龍樓

百尺湖海平生豪氣自數年來看花索句老不

如人意東風歸路一川松竹如醉 怎得身似

莊周夢中蝴蝶花底人間世記取江頭三月暮

風雨不為春計萬斛愁來金貂頭上不抵銀瓶 賈無多笑我此篇聊當寶戲

又 重九席上

龍山何處記當年高會重陽佳節誰與老兵共

一笑落帽參軍華髮莫倚忘懷西風也解點檢

算前客淒涼今古眼中三兩飛蝶 須信采菊

東籬千載之上只有陶彭澤愛說琴中如 得趣

何勞聲切試把空林翁還肯道何必盃中物臨

風一笑請翁同醉今夕

又 用韻答傅先之提舉

君詩好處似鄒魯儒家還有奇節下筆如神強

押韻遺恨都無毫髮炙手炎來掉頭冷去無限

長安客丁寧黃菊未消勾引蜂蝶 天上絳闕

清都聽君歸去我自癯山澤人道君才剛百鍊

美玉都成泥切我愛風流醉中傾倒丘壑胸中

物一盃相屬莫孤風月今夕

又賦傳巖雙杏
月堂兩梅

未須草草賦梅花多少騷人詞客總被西湖林
處士不宥分畱風月疎影橫斜暗香浮動把斷
春消息試將花品細參今古人物看取香月
堂前歲寒相對楚龔之潔自與詩家成一種不
係南昌仙簷怕是當年香山老子姓白名來江
國謫人仙字太白還又名白

又余饒為傳巖雙兩梅賦詞傳君用席上
有請云家有西古梅今百年矣未有一

品題乞援香月堂例欣然
許之且用前篇體製數賦

是誰調護歲寒枝都把蒼苔封了茆舍疎籬江
上路清夜月高山小摸索應知曹劉沈謝向况
霜天曉芬芳一世料君長被花惱惆悵立馬
行人一枝最愛竹外橫斜好我向東鄰曾醉裏
喚起詩家二老拄杖而今婆婆雪裏又識商山
皓請君置酒看渠與我傾倒

沁園春
帶說新
若將成

三徑初成鶴怨猿驚稼軒未來甚雲山自許平
生意氣衣冠人笑抵死塵埃意倦須還身閒賚
早豈為尊羹鱸膾哉秋江上看鷺絃雁避駭浪
船回東岡更葦茅齋好都把軒窗臨水開要
小舟行釣先應種柳疎籬護竹莫礙觀梅秋菊
堪餐春蘭可佩畱待先生手自栽沉吟久怕君
恩未許此意徘徊

又送趙景綱知縣
東歸再用前韻

佇立瀟湘黃鶴高飛望君未來快東風吹斷西
江對語急呼斗酒旋拂塵埃却怪英姿有如君
者猶欠封侯萬里哉空贏得道江南佳句只有
方回錦帆畫舫行齋悵雪浪粘天江景開記
我行南浦送君折柳君逢驛使為我攀梅落帽
山前呼鷹臺下人道花須滿縣栽都休問看雲
霄高處鵬翼徘徊

又戊申歲春郊忽騰報謂
君以病挂冠因賦此

老子平生笑盡人間兒女怨根况白頭能幾定
應獨往青雲得意見說長存抖擻衣冠憐渠無
恙合挂當年神武門都如夢算能爭幾許雞曉
鐘昏 此心無有新寃况抱甕年來自灌園但
淒涼顧影頻悲往事慙勤對佛欲問前因却怕
青山也妨賢路休關尊前見在身山中友試高
吟楚些重與招魂

又 期思舊呼奇獅或云恭獅皆非也余考
之荀卿書云孫叔敖期思之鄙人也期
思屬弋陽郡此地舊屬弋陽縣雖古之
弋陽期思見之圖記者不同然有弋陽
則有期思也橋壞復成父老
請余賦作沁園春以證之

愁未了醉墨休題

又 答余叔良

我試評君君定何如玉川似之記李花初發乘
雲笑語梅花開後對月相思白髮重來畫橋一
望秋水長天孤鶩飛同吟處看珮搖明月衣捲
青霓 相君高節崔嵬是此處耕巖與釣溪被
西風吹盡村簫社鼓青山留得松蓋雲旗吊古
愁濃懷人日暮一片心從天外歸新詞好似淒
涼楚些字字堪題

又 答楊世長

有美人兮玉佩瓊琚吾夢見之問斜陽猶照漁
樵故里長橋誰記今古期思物化蒼茫神遊仿
佛春與猿吟秋鶴飛還驚嘯向晴波忽見千丈
虹霓 覺來西望崔嵬更有青楓下有溪待
空山自薦寒水秋菊中流却送桂棹蘭旗萬事
長嗟百年雙鬢吾非斯人誰與歸憑闌久正清

我醉狂吟君作新聲倚歌和之算芬芳定向梅
間得意輕清多是雪裏尋息朱雀橋邊何人會
道野草斜陽春燕飛都休問甚元無霽雨却有
晴霓 詩壇千丈崔嵬更有筆如山雲作溪著
君才未數曹劉敵手風騷合受屈宋降旗誰識
相如平生自許慷慨須乘駟馬歸長安路問垂

虹千柱何處會題

又靈山齊卷賦時
菜園湖未成

疊嶂西馳萬馬回旋衆山欲東正驚湍直下跳
珠倒濺小橋橫截缺月初弓老合投閒天教多
事檢校長身十萬松吾廬小在龍蛇影外風雨
聲中 爭先見面重重看爽氣朝來三四峰似謝家
子弟衣冠磊落相如庭戶車騎雍容我覺其間
雄淡雅健如對文章太史公新堤路問偃湖何
日煙水濛濛

又弄溪賦

有酒忘盃有筆忘詩弄溪奈何看從橫斗轉龍
蛇起陸崩騰決去雪練傾河嫋嫋東風悠悠倒
影搖動雲山水又波還知否欠菖蒲攬港綠竹
綠坡 長松誰剪差栽笑野老來耘山上禾算
只因魚鳥天然自樂非關風月閒處偏多芳艸
春深佳人日算濯髮滄浪獨浩歌裴回久入閒

有誰似老子婆娑

又期忠卜菜

一水西來千丈晴虹十里翠屏喜艸堂經歲重
來社老斜川好景不負淵明老鶴高飛一枝移
宿長笑蝸牛戴屋行平章了待十分佳處著箇
茅亭 青山意氣崢嶸似爲我歸來嫵媚生解
頰教花鳥前歌後舞更催雲水暮送朝迎酒聖
詩豪可能無勢我乃而今駕馭卿清溪上被山
靈却笑白髮歸耕

又將止酒戒酒
杯使勿近

孟汝前來老子今朝點檢形骸甚長年抱渴咽
如焦釜于今喜溢氣似奔雷漫說劉伶古今達
者醉後何妨死便埋渾如許歎汝於知已真少
恩哉 更憑歌舞爲媒算合作人間鴟毒猜况
疾無小大生於所愛物無美惡過則爲災與汝
成言勿留亟退吾力猶能肆汝孟孟再拜道塵

之即去有召須來

又 城中諸公載酒入山余不得以止酒為解遂破戒一醉再用韻

孟汝知乎酒泉罷候鳴夷乞骸更高陽入謁都
稱蠶白杜康初筮正得雲雷細數從前不堪餘
恨歲月都將麴蘖埋君詩好似提壺却勸沽酒
向哉 君言病豈無媒似壁上雕弓蛇暗猜記
醉眠陶令終全至樂獨醒屈子未免沈菑欲聽
公言慙非勇者司馬家兒解覆盃還堪笑俗今
宵一醉為故人來

又 用邨原事壽趙茂嘉郎中時以置菽濟倉賑濟里中除直秘閣

甲子相高亥首曾疑絳縣老人看長身玉立鶴
般風度方頤 虎樣精神文爛卿雲詩凌鮑
謝筆勢駸駸更右軍渾餘事羨儂都夢覺金閣
名存 門前父老忻忻煥奎閣新褒詔語溫記
他年帷幄須依日月只今劔履快上星辰人道
陰功天敘多壽看到貂蟬七葉孫君家裏是幾

枝丹桂幾樹靈椿

又 和吳子似縣尉

我見君來頓覺吾廬溪山美哉悵平生肝膽都
成楚越只今膠漆誰是陳雷搔首踟躕愛而不
見要得詩來渴望梅還知否怯清風入手日看
千回 直須抖擻塵埃人怪我柴門今始開向
松間乍可從他喝道庭中切莫踏破蒼苔豈有
文章謾勞車馬待喚青芻白飯來君非我任功
名意氣莫恁徘徊

水調歌頭 舟次揚州和楊濟翁周顯先韻

落日塞塵起胡馬獵清秋漢家祖練十萬列艦
聳層樓誰道投鞭飛渡憶咿鳴鏑血汚風雨佛
狸愁季子正年少匹馬黑貂裘 今老矣搔白
首過揚州倦游欲去江上手種橘千頭二客東
南名勝萬卷詩書事業嘗試與君謀莫射南山
虎直覓富民侯

又

落日古城角把酒勸君留長安路遠何事風雪
弊貂裘散盡黃金身世不啻秦樓人怨歸計狎
沙鷗明夜扁舟去和月載離愁功名事身未
老幾時休詩書萬卷致身須到古伊周莫學班
超投筆縱得封侯萬里憔悴老邊州何處依劉
客寂寞賦登樓

又

淳熙丁酉自江陵移帥陸與到官之二
月被召司馬監趙卿王漕饒別司馬賦
水調歌頭席間大韻時王公明樞密覺
坐客終夕為興門戶之歡故前章及之

我飲不須勸正怕酒算空別離亦復何恨此別
恨匆匆頭上貂蟬賸客花外麒麟高塚人世竟
誰雄出門一笑去千里落花風孫劉輩能使
我不為公余髮種種如是此事付渠儂但得平
生湖海除了醉吟風月此外百無功毫髮皆帝
力更乞鑑湖東

又

淳熙己亥自湖北漕移湖南周總
領王漕趙守置酒南樓席上留別

折盡武昌柳挂席上瀟湘二年魚鳥江上笑我
往來忙富貴何時休問離別中年堪恨憔悴鬢
成霜絲竹陶寫耳急羽且飛觴序蘭亭歌赤
壁繡衣香使君千騎鼓吹風采漢侯王莫把離
歌頻唱可憐南樓佳處風月已淒涼在家貧亦
好此語試平章

又盟

帶湖吾甚愛千丈翠奩開先生杖屨無事一日
走千回凡我同盟鷗鷺今日既盟之後來往莫
相猜白鶴在何處嘗試與偕來破青萍排翠
藻立蒼苔窺魚笑汝癡計不解舉吾盃廢沼荒
丘疇管明月清風此夜人世幾歡哀東岸綠陰
少楊柳更須栽

又

湯朝美司諫見
和用韻為謝

白日射金闕虎豹九關開見君諫疏頻上談笑
挽天回千古忠肝義膽萬里蠻煙瘴雨往事莫

驚猜政恐不免耳消息日邊來 笑吾廬門掩

艸徑封苔未應兩手無用要把蟹螯盃說劍論

詩余事醉舞狂歌欲倒老子頗堪哀白髮寧有

種一醒時栽

又 嚴子文同傅安道和
前韻因再和謝之

寄我五雲字恰向酒邊開東風過盡歸雁不見

客星回均道瑣窗風月更著詩翁杖屨合作雪

堂猜子文作雪齋寄書云
近以早無以延客歲早莫留客霖雨要

渠來 短燈檠長劔缺欲生苦離弓挂壁無用

照影落清盃多病關心藥裹小摘親鉏菜甲老

子政須哀夜雨北窗竹更倚野人栽

又 和趙景明
知縣韻

官事未易了且向酒邊來君如無我問君懷抱

向誰開但放平生丘壑莫管傷人嘲罵溪蟹要

驚雷白髮還自嘯何地置衰頽 五車書千石

飲百篇才新詞未到瓊瑰先夢滿吾懷已過西

風重九且要黃花入手詩興未關梅君要花滿

縣桃李趁時栽

又 壽趙漕
介卷

千里渥洼種名動帝王家金鑿當日秦艸落筆

萬龍蛇帶得無邊春下等待江山都老教看贊

方鴉莫管錢流地且擬醉黃花 喚雙成歌弄

玉舞綠華一觴為飲千歲江海吸流霞聞道清

都帝所要挽銀河仙浪西北洗胡沙回首日邊

去雲裏認飛車

又 和王政之右司
吳江觀雪見寄

造化故豪縱千里玉鸞飛等閒更把萬斛瓊粉

益玻璃好卷垂虹十丈只放水壺一色雲海路

應迷老子舊游處回首夢耶非 謫仙人鷗鳥

伴兩忘機掀髯把酒一笑詩在片帆西寄語煙

波舊侶聞道尊鱸正美休裂芰荷天上界足官

府汗漫與君期

又九日遊雲洞和
韓南澗尚書韻

今日復何日黃菊為誰開
淵明謾愛重九胃次
正崔嵬酒亦關人何事
政自不能不爾誰遣白
衣來醉把西風扇隨處
障塵埃為公飲須一
日三百盃此心高處東
望雲氣見蓬萊翳鳳
驂驚公去落魄倒冠吾
事抱病且登臺歸路踏
明月人影共徘徊

又再用韻
呈南澗

千古老蟾口雲洞插天
開漲痕當日何事洶湧
到崔嵬攬土搏沙見戲
翠谷蒼崖幾變風雨化
人來萬里須臾耳野馬
驟空埃笑年來蕉鹿
夢畫蛇盃黃花憔悴風
露野碧漲荒萊此會明
年誰健後日猶今視答
歌舞只空臺愛酒陶元
亮無酒正徘徊

又再用韻
呈南澗

君莫賦幽憤一語試相
開長安車馬道上平地

起崔嵬我愧淵明久矣
猶俗此翁湔洗素壁寫

歸來斜日透虛隙一線
萬飛埃斷吾生左持
蟹右持盃買山自種雲
樹山下斷煙萊百鍊都
成繞指萬事直須稱好
人世幾與臺剗郎更堪
笑剛賦看花回

又慶韓西澗
尚書七十

上古八千歲纔是一春
秋不應此日剛把七十
壽君侯看取垂天雲翼
九萬里風狂下與造物
同游君欲計歲月嘗試
問莊周醉淋浪歌窈窕
舞溫柔從今杖屨南澗
白日為君畱聞道鈞天
帝所頻上玉卮春酒冠
蓋擁龍樓快上星辰
去名姓動金甌

又用上用韻
呈南澗

上界足官府公是地行
僊青氈劔履舊物玉立
近天顏莫怪新來白髮
恐是當年柱下道德五
千言南澗舊活計猿鶴
且相安歌秦缶寶康

狐世皆然不知清廟鐘磬零落有誰編莫問行

藏用舍畢竟山林鐘鼎底事有虧全再拜荷公

賜雙鶴一千年

公以雙鶴見寄

又

和信守卿舟舉蘇卷韻

萬事到白髮日月幾西東羊腸九折岐路老我

慣經從竹樹前溪風月鷄酒東家父老一笑偶

相逢此樂竟誰覺天外有冥鴻 味平生公與

我定無同玉堂金馬自有佳處著詩翁好鎖雲

煙窗戶怕入丹青圖画飛去了無蹤此語更癡

絕真有虎頭風

又

送守信王佳發

酒罷且勿起重挽使君鬢一身都是和氣別去

意何如我輩情鍾休問父老田頭說尹淚落獨

憐渠秋水見毛髮千尺定無魚 望青闕左黃

閣右紫樞東風桃李陌上下馬拜除書屈指吾

生餘幾多病妨人痛飲此事正愁余江湖有歸

雁能寄艸堂無

又

送鄭厚卿赴衡州

寒食不少住千騎擁春衫衡陽石鼓城卜記我

舊停驂襟以瀟湘桂嶺帶以洞庭青艸紫蓋屹

西南文字起騷雅刀劍化新蠶 看使君於此

事定不凡奮髯抵几堂上尊俎自高談莫信君

門萬里但使民歌五袴歸詔鳳凰啣君去我誰

飲明月影成三

又

提朝李君索余賦野秀綠蓮二詩余詩尋醫久矣始合二榜之意賦水調歌頭以遺之然君才氣不減流輩豈未田問舍而獨樂身耶

文字覩天巧亭榭定風流平生丘壑歲晚也作

稻梁謀五畝園中秀野一水田將綠遠麗極不

勝秋飽飯對花竹可是便忘憂 吾老矣探禹

穴欠東遊君家風月幾許白馬去悠悠插架牙

籤萬軸射虎南山一騎容我攬鬚不更欲勸君

酒百尺臥高樓

又元日投宿博山寺
見者驚歎其老

頭白牙齒缺君勿笑衰翁無窮天地今古人在
四之中臭腐神奇俱盡賢賤賢愚等耳造物也
兒童老佛更堪笑談妙說虛空 坐堆厯行答
颯立龍鍾有時三盞兩盞淡酒醉濛濛四十九
年前事一百八盤狹路拄杖倚牆東老景竟何
似只與少年同

又送楊
民瞻

日月如磨蟻萬事且浮休君看簷外江水滾滾
自東流風雨飄泉夜半花艸雪樓春到老子已
菟裘歲晚問無恙歸計橋千頭 夢連環歌彈
缺賦登樓黃鶴白酒君去村社一番秋長劍倚
天誰問夷甫諸人堪笑西北有神州此事君自
了千古一扁舟

又送施樞密聖與帥
江西信之謙云

相公倦台鼎要件赤松遊高牙千里東夏笳鼓

萬籟辨試問東山風月更著中年絲竹畱得謝
公不孺子宅邊水雲影自悠悠 占古語方人
也正黑頭穹龜突兀千丈石打玉溪流金印沙
堤時節西棟珠簾雲雨一醉早歸休賤子祝再
拜西北有神州

又壬子三山被召陳端
仁給事飲餞席上作

長恨復長恨裁作短歌行何人爲我楚舞聽我
楚狂聲余既滋蘭九畹又樹蕙之百畹秋菊更
餐英門外滄浪水可以濯吾纓 一盃酒問何
似身後名人間萬事毫髮常重泰山輕悲莫悲
生離別樂莫樂新相識兒女古今情富貴非吾
事歸與白鷗盟

又題張晉英提
舉王峰樓

木末翠樓出詩眼巧安排天公一夜削出四面
玉崔嵬疇管此山安在應爲先生見晚萬馬一
時來白鳥飛不盡却帶夕陽回 勤君飲左手

蟹右手盃人間萬事變滅今古幾池臺君看莊
生達者猶對山林臯壤哀樂未忘懷我老尚能

賦風月試追陪

又三山用趙丞相韻會帥幕王君且有感於中秋近事併見之末章

說與西湖客觀水更觀山淡粧濃抹西子喚起
一時觀種柳人今天上對酒歌翻水調醉墨捲
秋瀾老子興不淺歌舞莫教閑 看算前輕聚
散少悲歡城頭無限今古落日曉霜寒誰唱黃
雞白酒猶記紅旗清夜千騎月臨關莫說西州
路且盡一盃看

又卽席和金華杜仲高韻併寄諸友惟醇乃佳耳

萬事一盃酒長歎復長歌杜陵有客剛賦雲外
築娑婆須信功名兒輩誰識年來心事古井不
生波種種看余髮積雪就中多 二子子問丹
桂倩素娥平生螢雪男兒無奈五車何看取長
安得意莫恨春風看盡花柳自蹉跎今夕且歡

笑明月鏡新磨

又醉吟

四坐且勿語聽我醉中吟池塘春艸未歇高樹
變鳴禽鴻雁初飛江上蟋蟀還來牀下時序百
年心誰要卿料理山水有清音 歡多少歌長
短酒淺淡而今已不如管後定不如今閑處直
須行樂良夜更教秉燭高會憺分陰白髮短如
許黃菊倩誰簪

又題趙晉臣數文真得歸方是閑

十里溪窈窕萬瓦碧參差青山屋上流水屋下
綠橫溪真得歸來嘯語方是閑中風月剩費酒
邊詩點檢笙歌了琴罷更圍碁 王家竹陶家
柳謝家池知君勲業未了不是枕流時莫向癡
兒說夢且作山人索價頗怪鶴書遲一事定嘔
我已辦北山移

又賦傅巖叟悠然閑

歲歲有黃菊千載一東籬悠然政須兩字長笑
退之詩自古此山元有何事當時纔見此意有
誰知君起更斟酒我醉不須辭 回首處雲正
出鳥倦飛重來樓上一句端的與君期都把軒
窗寫遍更使兒童誦得歸去來兮辭萬卷有時
用植杖且耘耔

又題吳子似瑣山堂經
德堂陸象山取名也

喚起子陸子經德問何如萬鍾於我何有不負
古人書聞道千章松桂剝有四時柯葉霜雪歲
寒餘此是瑣山境還似象山無 耕也餒學也
祿孔之徒青山畢竟斗此意頗闊渠天地清
寧高下日月東西寒暑何用著工夫兩字君勿
惜借我榜吾廬

又賦松
菊堂

淵明最愛菊三徑也栽松何人收拾千載風味
此山中手把離騷讀遍自掃落英餐罷杖屨曉

霜濃皎皎大獨立更挿萬芙蓉 水滌浚雲頽
洞石龍從素琴濁酒喚客端有古人風却怪青
山能巧政爾橫看成嶺轉面已成峰詩句得活
法日月有新工

又將遺新啓不成戲作時以病
止酒且遣去歌者來章及之

我亦卜居者歲晚望三閭昂昂千里泛泛不作
水中鳧好在書攜一束莫問家徒四壁

舞鳥有歌亡

是飲子虛二三子者愛我此外故人疎幽事欲
論誰共白鶴飛來似可忽去復何如衆鳥欣有
托吾亦愛吾廬

又題昌父用東坡韻較大白東坡事見寄
通韻與借因用韻爲謝兼寄吳子似

我志在寥濶疇管夢登天摩娑素用人世俛仰
已十年有客騷鸞將鳳雲遇青山赤壁相約上
高寒酌酒援北斗我亦蠱其間 少歌曰神甚
放形則眠鴻鵠一再高舉天地睹方圓欲重歌

今夢覺推枕惘然獨念人事底虧全有美人可

語秋水隔嬋娟

又 題永豐楊少師
提點一枝堂

萬事幾時足日月自西東無窮宇宙人是一粟
太倉中一芻一麥經歲一鉢一瓶終日老子舊
家風更著一盃酒夢覺大槐宮 記當年赫腐
鼠歎冥鴻衣冠神武門外驚倒幾兒童休說須
彌芥子看取鷓鴣斥鷃小大若為同君欲論齊
物須訪一枝翁

又 席上為樂
仲合賦

高馬勿捶面千里事難量長魚變化雲雨無使
寸鱗傷一壑一丘吾事一斗一石皆醉風月幾
千場鬚作蝟毛傑筆作劒鋒長 我憐君癡絕
似顧長康綸巾羽扇顛倒又似竹林狂解道長
江如練佳備停雲堂上千首買秋光怨調為誰
賦一斛貯檳榔

玉蝴蝶 也別杜
仲高

古道行人來去香滿紅樹風雨殘花望斷青山
高處都被雲遮客重來風流觴詠春已去光景
桑麻苦無多一條垂柳兩箇啼鴉 人家疎疎
翠竹陰陰綠樹淺淺寒沙醉兀藍輿夜來豪飲
太狂些到如今都齊醒却只依舊無奈愁何試
聽呵寒食近也且住為佳

又 杜仲高書來
戒酒用韻

賤賤偶然渾似隨風簾幙籬落飛花空使兒曹
馬上羞面頻遮向空江誰捐玉珮寄離恨應折
疏麻暮雲多佳人何處數盡歸鴉 儂家生涯
蠟屐功名破甑交友搏沙往日曾論淵明似勝
臥龍些算來從人生行樂休便說日飲亡何快
斟呵裁詩未穩得酒良佳

稼軒詞卷第一 終

稼軒詞卷第二

滿江紅 建康史帥致道席上賦

鵬翼垂空笑人世蒼然無物又還去九重溪處
玉階山立袖裏珍奇光五色他年嬰補天西北
且歸來談笑護長江波澄碧 佳麗地文章伯
金縷唱紅牙拍看算前飛下日邊消息料想寶
香熏閣夢依然画舫清溪笛笛待如今端的約鍾
山長相識

又 中秋寄遠

快上西樓怕天教浮雲遮月但喚取玉纖橫管
一聲吹裂誰做水壺涼世界最憐玉斧脩時節
問嫦娥孤處有愁無應華髮 雲液滿瓊盃滑
長袖舞清歌咽歎十常八九欲磨還缺但願長
圓如此夜人情未必看承別把從前離恨總包
藏歸時說

又 中秋

美景良辰算只是可人風月況素節揚輝長是
十分清徹著意登樓瞻玉兔何人張幙遮銀闕
倩飛廉特得為吹開憑誰說 弦與望從圓缺
今與昨何區別羨夜來把手桂花堪折安得便
登天柱上從容陪伴酬佳節更如今不聽塵談
清愁如髮

又 春

點火櫻桃照一架荼蘼如雪春正好見龍孫穿
破紫苔蒼壁乳燕引雛飛力弱流鶯喚友嬌聲
怯問春歸不肯帶愁歸腸千結 層樓望春山
疊家何在煙波隔把古今遺恨向他誰說蝴蝶
不傳千里夢子規叫斷三更月聽聲聲枕上勸
人歸歸難得

又

可恨東君把春去春來無迹便過眼等閑輸了
三分之一晝永暖翻紅杏雨風清扶起垂楊力

更天涯芳艸最關情
烘殘日 湘浦岸南塘驛
恨不盡愁如織
算年年辜負對他寒食
便恁歸來能幾許
風流早已非疇
管凭画欄一線數飛鴻
沉空碧

又

家住江南又過了清明
寒食花徑裏一番風雨
一番狼藉紅粉暗隨流水去
園林漸覺清陰密
算年年落盡刺桐花
寒無力 庭院靜空相憶
無說處閑愁極
怕流鶯乳燕得知消息
尺素如今何處也
綠雲依舊無踪跡
謾教人羞去上層樓
平蕪碧

又 蘇州席上呈大守陳李度侍郎

落日蒼茫風纔定
片帆無力還記得
舟來眼去水光山色倦客不知身遠
近佳人已卜歸消息
便歸來只是賦行雲
襄王客 步箇事如何得
知有恨休重憶
但楚天特地暮雲凝
碧過眼不風庾樓月

如人意事十常八九
今頭白笑江州司馬太多情
青衫溼

又 賀王帥宣平湖南寇

笳鼓歸來舉鞭問
何如諸葛人
道是箇箇五月渡蘆溪
入白羽生風
貔虎譟青溪
路斷鼙鼙泣
早紅塵一騎落
平岡捷書急
三萬卷龍頭客
渾未得文章力
把詩書馬上笑
驅鋒鏑金印明
年如斗大
貂蟬却自免
整出待刻公勲業
到雲霄
浯溪石

又

漢水東流都洗盡
髭胡膏血人盡說
君家飛將舊時英烈
破敵金城雷過耳
談兵玉帳水生頰
想王郎結髮賦從戎
傳遺業 腰間劔聊彈鋏
算中酒堪爲別
況故人新擁漢壇旌
節馬革裹屍當自誓
蛾眉伐性休重說
但從今記取楚臺風
庾樓月

又

江行簡楊濟翁周顯先

過眼溪山怪都是舊時曾識還記得夢中行遍
江南江北佳處徑須攜杖去能消幾兩平生展
笑塵勞三十九年非長爲客 吳楚地東南圻
英雄事曹劉敵被西風吹盡了無塵跡樓觀甫
成人已去旌旗未卷頭先白歎人生哀樂轉相
尋今猶替

又

敲碎離愁紗窗外風搖翠竹人去後吹簫聲斷
倚樓人獨滿眼不堪三月暮舉頭已覺千山綠
但試把一紙寄來書從頭讀 相思字空盈幅
相思意何時足滴羅襟點點淚珠盈掬芳艸不
迷行路客垂楊只碍離人目最苦是立盡月黃
昏欄干曲

又

倦客新豐貂裘敝征塵滿目彈短鋏青蛇三尺

浩歌誰續不念英雄江左老用之可以尊中國

歎詩書萬卷致君人翻沉陸 休感慨澆醜醜
人易老歡難足有玉人憐我爲簪黃菊且置請
纓封萬戶竟須賣劍酌黃犢甚當年寂寞賈長
沙傷時哭

又

風捲庭梧黃葉墜新涼如洗一笑折秋英同賞
弄香按築天遠難窮休久望樓高欲下還重倚
拚一襟寂寞淚彈秋無人會 今古恨沉荒壘
悲歡事隨流水想登樓青鬢未堪憔悴極目煙
橫山數點孤舟月淡人千里對嬋娟從此話離
愁金篦裏

又

今泉亭

直節堂堂看夾道冠纓拱立漸翠谷群仙來下
珮環聲急誰信天鋒飛墮地傍湖千丈開青壁
是當年玉斧削方壺無人識 山水潤琅玕溼

秋露下瓊珠滴向危亭橫跨玉淵澄碧醉舞且
搖鸞鳳影浩歌莫遣魚龍泣恨此中風物本吾
家今爲客

又再用
前韻

照影溪梅悵絕代佳人獨立便小駐雍容千騎
羽觴飛急琴裏新聲風響珮筆端醉墨鴉棲壁
是使君文雅舊知名今方識 高欲臥雲還溼
清可漱泉長滴快晚風吹帽滿懷空碧寶馬嘶
歸紅旆動龍團試水銅瓶泣怕他年重到路應
迷桃源客

又席間和洪景廬舍人
兼司馬漢章大監

天與文章看萬斛龍文筆力聞道是一詩會換
千金顏色欲說又休新意思灑啼偷笑真消息
算人人合與共乘鸞鸞坡客 傾國艷難再得
還可恨還堪憶看書尋舊錦衫裁新碧鶯蝶一
春花裏活可堪風雨飄紅白問誰家却有燕歸

梁香泥溼

又送湯朝美司諫
自汴歸金陵

瘴雨蠻煙十年夢算前休說春正好故園桃李
待君花發兒女燈前和淚拜雞豚社裏歸時節
看依然舌在齒牙牢心如鐵 活國手封侯骨
騰汗漫排闥圖待十分做了詩書勲業當日念
君歸去好而今却恨中年別笑江頭明月更多
情今宵缺

又送李正之
提刑入蜀

蜀道登天一盃送繡衣行客還自歎中年多病
不堪離別東北看騰諸葛表西南更艸相如檄
把功名收拾付君侯如椽筆 兒女淚君休滴
荆楚路吾能識要新詩準備廬山山色赤壁磯
頭千古浪銅鞮陌上三更月正梅花萬里雪淡
時須相憶

又送信守鄭
安舉被召

湖海平生算不負蒼髯如戟聞道是使君著意
太平長策此老自當兵十萬長安正在天西北
便鳳凰飛詔下天來催歸急 車馬路兒童泣
風雨暗旌旗溼看野梅官柳東風消息莫向蕪
菴追笑語只今松竹無顏色問人間誰管別離
愁杯中物

又和楊民瞻送伯
之弟還侍浮梁

塵土西風便無限淒涼行色還記取明朝應恨
今宵輕別珠淚爭垂華燭暗雁行欲斷哀箏切
看扁舟幸自澗清溪休催發 白石路長亭側
千樹柳千絲結怕行人西去棹歌聲闋黃卷莫
教詩酒污玉階不信仙凡隔但從今伴我又隨
君佳哉月

又遊南巖和
范先之韻

笑拍洪崖問千丈翠巖誰削依舊是西風白鳥
北村南郭似整復斜僧屋亂欲吞還吐林煙薄

覺人間萬事到秋來都搖落 呼斗酒同君酌
更小隱尋幽約且丁寧休負北山猿鶴有鹿從
渠求鹿夢非魚定未得魚樂正仰看飛鳥却應
人回頭錯

又和范先
之雲

天上飛瓊畢竟向人間情薄還又跨玉龍歸去
萬花搖落雲破林梢添遠岫月明屋角分層閣
記少年駿馬走韓盧掀東郭 吟凍雁嘲飢鵲
人已老歡猶昨對瑤華滿地與君酬酢最愛霏
霏迷遠近都收擾擾還空濶待羔兒飲罷又烹
茶揚州鶴

又病中俞山甫教授
訪別病起寄之

曲几團蒲記方丈君來問疾更夜雨匆匆別去
一盃南北萬事莫侵鬢髮百年正嬰佳眠食
最難忘此語重殷勤千金值 西崦路東巖石
攜手處今塵迹望東來猶有舊盟如日莫信蓬

兼風浪隔垂天自有扶搖力對梅花一夜苦相思無消息

又 餞鄭衡州厚卿席上再賦

莫折荼蘼且留取一分春色還待得青梅如豆
芙伊同摘少日對花渾醉夢而今醒眼看風月
恨牡丹笑我倚東風頭如雪 榆莢錢菑蒲葉
時節換繁華歇算怎禁風雨怎禁鴉鵲老冉冉
吟花芙蓉是栖栖者蜂和蝶也不因春去有開
愁因離別

又 送徐行仲撫幹

絕代佳人曾一笑傾城傾國休更歎舊時青鏡
而今華髮明日伏波堂上客老當益壯翁應說
恨苦遭鄒禹笑人來長寂寂 詩酒往江山筆
松菊徑雲煙屐怕一觴一詠風流結絕我夢橫
山孤鶴去覺來却與君相別記功名萬里要吾
身佳眠食

又

紫陌飛塵望十里雕鞍繡鞞春未老已驚臺榭
瘦紅肥綠睡雨海棠猶倚醉舞風楊柳難成曲
問流鶯能說故園無曾相熟 巖泉上飛鳧浴
巢林下棲禽宿恨荼蘼開晚謾翻紅玉蓮社豈
堪談昨夢蘭亭何處尋遺墨但羈懷空自倚鞞
韃無心蹶

又 盧國華由閩憲移漕建安陳瑞仁給事同諸公餞別全為酒困臥清涼堂上三鼓方醒國華賦詞

雷別席上和韻

宿酒醒時算只有清愁而已人正在清涼堂上
月華如洗紙帳梅花歸夢覺尊羹鱸膾秋風起
問人生得意幾何時吾歸矣 君若問相思事
料長在歌聲裏這情懷只是中年如此明月何
妨千里隔顧君與我如何耳向尊前重約幾時
來江山美

又 和盧國華

漢節東南看駟馬光華周道須信是七閩還有
福星來到庭艸自生心意足榕陰不動秋光好
問不知何處著君侯蓬萊島 還自笑人今老
空有恨繁懷抱記江湖十載厭持旌蕪渡落我
材無所用易除殆類無根潦但欲搜好語謝新
詞羞瓊報

又山居
卽事

幾箇輕鷗來點破一泓澄綠更何處一雙鷓鴣
故來爭浴細讀離騷還痛飲飽看脩竹何妨肉
有飛泉日曰芙蓉珠五千斛 春雨滿秧新穀
開日永眠黃犢看雲連夢隴雪堆蠶簇若耍足
時今足矣以爲未足何時足被野老相扶入東
園枇杷熟

又和傅巖叟
香月韻

半山佳句最好是吹香隔屋又還怪水霜側畔
蜂兒成簇更把香來薰了月却教影去斜侵竹

似神清骨冷住西湖何由俗 根老大穿坤軸
枝天嫋蟠龍斛快酒兵長俊詩壇高築一再人
來風味惡兩三盃後花綠熟記五更聯句失彌
明龍啣燭

又壽趙茂嘉郎中前
章記兼濟會事

我對君侯怪長見兩眉陰德還夢見玉皇金闕
姓名仙藉舊歲炊煙渾欲斷被公扶起千人活
算胸中除却五車書都無物 山左右溪南北
花遠近雲朝夕看風流杖屨蒼髯如戟種柳已
成陶令宅散花更滿維摩室勸人間且住五千
年如金石

又呈趙晉
臣敷文

老子平生原自有金盤筆屋還又要萬間寒士
眼前突兀一舸歸來輕似葉兩翁相對清如鶴
到如今吾亦愛吾廬多松菊 人道是荒年穀
還又似豐年玉甚等閑却爲鱸魚歸速野鶴溪

邊留杖屨行人牆外聽絲竹問近來風月幾篇

詩三千軸

又游清風峽和趙晉臣數文韻

兩峽巖巖問誰占清風舊築滿眼裏雲來去鳥澗

紅山綠世上無人僕笑傲門前有客休迎肅怕

淒涼無物件君時多栽竹 風采妙疑水玉詩

句好餘膏馥嘆只今人物一變應足人似秋鴻

無定住事如飛彈須圓熟笑君侯陪酒又陪歌

陽春曲

木蘭花慢 席上送張仲固帥興元

漢中開漢業問此地是耶非想劔指三秦君王

得意一戰東歸興亡事今不見但山川滿目淚

沾衣落日胡塵未斷西風塞馬空肥 一篇書

是帝王師小試去征西更艸艸離筵匆匆去路

愁滿旌旗君忠我回首處正江涵秋影雁初飛

安得車輪四角不堪帶減腰圍

又 滁州送范倅

老來情味減對別酒怯流年況屈指中秋十分

好月不照人圓無情水都不管笑西風只管送

歸船秋晚尊鱸江上夜淡兒女燈前 征衫便

好去朝天玉殿正息賢想夜半承明留教視艸

却遣籌邊長安故人問我道愁腸帶酒只依然

目斷秋霄落雁醉來時響空絃

又 題上饒州園翠微樓

舊時樓上客愛把酒對南山笑白髮如今天教

放浪來往其間登樓更誰念我却回頭西北望

層欄雲雨珠簾画棟笙歌霧鬢風鬟 近來堪

入畫圖看父老願公歡甚拄笏悠然朝來爽氣

正爾相關難忘使君後日便一花一艸報平安與

客攜壺且醉雁飛秋影江寒

又 寄題吳克明廣文窮隱

路傍人怪問此隱者姓陶不甚黃菊如雲朝吟

算醉喚不回頭縱無酒成悵望只東籬搔首亦
風流與客朝食一笑落英飽便歸休 古來堯
舜有巢由江海去悠悠待說與佳人種成香艸
莫怨靈脩我無可無不可意先生出處有如丘
聞道問津人過殺雞爲黍相留

水龍吟

蘇次登樓作

楚天千里清秋水隨天去秋無際遙岑遠目獻
愁供恨玉簪螺髻落日樓頭斷鴻聲裏江南游
子把吳鈞看了欄干拍徧無人會登臨意 休
說鱸魚堪膾儘西風季鷹歸未求田問舍怕應
羞見劉郎才氣可憐流年憂愁風雨樹猶如此
倩何人喚取紅巾翠袖搵英雄淚

又 甲辰歲暮韓南園尚書

渡江天馬南來幾人真是經綸手長安父老新
亭風景可憐依舊夷甫諸人神州沉陸幾會回
首算平戎萬里功名本是眞儒事公知否 況

有文章山斗對桐陰滿庭清晝當年墮地而今
試看風雲奔走綠野風煙平泉艸木東山歌酒
待他年整頓乾坤事了爲先生壽

又 次年南園用韻爲侯與公生日相去一日再和以寄南園

玉皇殿閣微涼看公重試薰風手高門畫戟桐
陰聞道青青如舊蘭佩空芳蛾眉誰妒無言搔
首甚年年却有呼韓塞上人爭問公安否 金
印明年如斗向中州錦衣行畫依然盛事貂蟬
前後鳳麟飛走富賢浮雲我評軒冕不如孟酒
待從公痛飲八千餘歲伴莊椿壽

又 盤園任子嚴安撫杜冠得請客以高風名其堂書來素詞爲賦

斷崖千丈孤松挂冠更在松高處平生袖手故
應休矣功名良苦笑指兒曹人間醉夢莫嗔驚
汝問黃金餘幾物人欲說田園記君推去 嘆
息華舊隱對先生竹窗松戶一花一艸一觴一
詠風流杖屨野馬塵埃扶搖下視蒼然如許恨

當年九老圖中忘却花盤園林路

又寄題京口范南伯知縣家文官花
白次緝次紫唐會嬰載學士院有之

倚欄看碧成珠等閒褪了香袍粉上林高選

匆又換紫雲衣溼幾許春風朝董莫染為花忙

損笑舊家桃李東塗西抹有多少淒涼恨 擬

倩流鶯說與記榮華易消難整人間得意千紅

萬紫轉頭春盡白髮憐君儒冠曾悞平生宮冷

算風流未減年年醉裏把花枝問

又題雨巖巖類今所畫觀音普
施巖中有泉飛出如風雨聲

普陀大士虛空翠巖記取飛來處蜂房萬點似

穿如碍玲瓏窗戶石髓千年已垂未落嶙峋水

柱有怒濤聲遠落花香在人疑是桃源路 又

說春雷鼻息是臥龍鸞環如許不然應是洞庭

張樂相靈來去我意長松倒生陰壑細吟風雨

竟茫茫未曉只應白髮是開山祖

又賦
泉

稼軒何必長貧放泉簷外瓊珠瀉樂天知命古

來誰會行藏用舍人不堪憂一瓢自樂賢哉回

也料當年嘗問飯蔬食飲水何為是栖栖者

且對浮雲山上莫匆匆去流山下蒼顏照影故

應零落輕裘肥馬遠齒水霜滿懷芳乳先生飲

罷笑挂瓢風樹一鳴渠碎問何如啞

又用瓢泉韻巖仁和兼
諸葛元亮且督和詞

被公驚倒瓢泉倒流三峽詞源瀉長安紙竇流

傳一字千金爭舍割肉懷歸先生自笑又何廉

也但啣盃莫問人間豈有如孺子長貧者 誰

識稼軒心事似風乎舞雩之下回頭落日蒼茫

萬里塵埃野馬更想隆中臥龍千尺高吟纔罷

倩何人與問雷鳴瓦釜甚黃鍾啞

又用步韻再韻瓢泉歌以飲
客聲語長諧客皆為之傾

聽兮清珮瓊瑤夢明兮鏡秋毫夢君無去此流

昏漲賦生蓬蒿夢虎豹甘人渴而汝寧猿猴夢

大而流江海覆舟如芥君無助狂濤夢 路

山高夢愧余獨處無聊夢冬槽春盎歸來為我

製松醪夢其外芬芳圖龍片鳳煮雲膏夢古人

今既往嗟余之樂樂簞瓢夢

又過南瀾 體溪樓

舉頭西北浮雲倚天萬里須長劍人言此地夜

淡長見斗牛光焰我覺山高潭空水冷月明星

淡待燃犀下看凭欄却怕風雷怒魚龍慘 峽

東蒼江對起過危樓欲飛還欲元龍老矣不妨

高臥水壺涼簟千古興亡百年悲笑一時登覽

問何人又卸片帆沙岸繫斜陽纜

又受李延年歌淳于擘語今為詞 庶幾高唐神女念神賦之意云

昔時曾有佳人翩然絕世而獨立未論一顧傾

城再顧又傾人國寧不知其傾城傾國佳人難

再得看行雲行雨朝朝暮陽臺下襄王側

堂上更闌燭滅記主人鬅髮送客合尊促坐羅

橋襟解微聞鄉澤當此之時止乎禮義不淫其

色但啜其泣矣啜其泣矣又何差及

又別傅先之提舉 時先之有召命

只愁風雨重陽思君不見令人老行期定否征

車幾輛去程多少有客書來長安却早傳聞追

詔問歸來何日君家舊事直須待為霖了 從

此蘭生蕙長吾誰與玩茲芳艸自憐拙者功名

相避去如飛鳥只有良朋東阡西陌安排似巧

到如今巧處依然又拙把平生笑

又

老來曾識淵明夢中一見參差是覺來幽恨停

觴不御欲歌還止白髮西風折腰五斗不應堪

此問北窗高臥東籬自醉應別有歸來意 須

信此翁未死到如今凜然生氣吾儕心事古今

長在高山流水富賢他年直饒來晚也應無味

甚東山何事當時也道為蒼生起

摸魚兒

淳熙己亥自湖北漕移湖南
同官王正之置酒小山亭賦

更能消幾番風雨匆匆春又歸去惜春長怕花
開早何況落紅無數春且住見說道天涯芳艸
無歸路怨春不語算只有殷勤畫簷蛛網盡日
惹飛絮長門事準擬佳期又誤蛾眉曾有人
妒千金曾買相如賦脉脉此情誰訴君莫舞君
不見玉環飛燕皆塵土閑愁最苦休去倚危欄
斜陽正在煙柳斷腸處

又觀朝上

葉丞相

望飛來半空鷗鷺須臾動地鼙鼓截江組練驅

山去鏖戰未收貔虎朝又暮悄悄慣得吾兒不怕

蛟龍怒風波平步看紅旆驚飛跳魚直上蹙踏

浪花舞憑誰問萬里長鯨吞吐人間兒戲千

弩滔天力倦知何事白馬素車東去堪恨處人

道是屬餽怨憤足古功名自誤謾教得陶朱五

胡西子一河弄煙雨

又

雨巖有石狀甚怪取離騷九歌名
曰山鬼因賦摸魚兒吹名山鬼謠

問何年此山來此西風落日無語看君似是羲
皇上直作太虛名汝溪上算只有紅塵不到今
猶古一盃誰舉笑我醉呼君佳鬼未起山鳥覆
盃去須記取昨夜龍湫風雨門前石浪掀舞
四更山鬼吹燈嘯驚倒世間兒女依然處還問
我清遊杖屨公良苦神交心許待萬里攜君鞭
笞鸞鳳送我遠遊賦石溪庵外巨石
也長三十餘丈

西河

送錢仲耕自江
西歸守婺州

西江水道是西江人戾無情却解送行人月明

千里從今日日倚高樓傷心煙樹如薺會君難

別君易艸艸不如人意十年著破繡衣茸種成

桃李問君可是厭承明東方鼓吹千騎對梅

花更消一醉看明年調鼎風味老病目憐憔悴

過吾虛定有幽人相問歲晚淵明歸來未

永遇樂

送陳仁和自汴東歸陳至
上館之一半得子甚喜

紫陌長安看花年少無限歌舞白髮憐君尋芳
較晚捲地驚風雨問君知否鴟夷載酒不似并
瓶身誤細思量悲歡夢裏覺來總無尋處 芒
鞋竹杖天教還了千古玉樓佳句落魄東歸風
流贏得掌上明珠去起看青鏡南冠好在拂了
舊時塵土向君道雲霄萬里這回穩步

又梅雪

怪底寒梅一枝雪裏只恁愁絕問訊無言依稀
似妒天上飛英白江上一夜瓊瑤萬頃此段如
何妒得細看來風流添得自家越樣標格 晚
來樓上對花臨鏡學作半粧頰著意爭妍那知
却有人妒花顏色無情休問許多般事且自訪
梅踏雪待行過溪橋夜半更邀素月

又 感賦辛字送茂嘉十二第起調

烈日秋霜忠肝義膽千載家譜得姓何年細參
辛字一笑君聽取艱辛做就悲辛滋味總是辛

酸辛苦更十分向人辛辣椒桂搗殘堪吐 世
間應有芳甘濃美不到吾家門戶比著兒曹累
累却有金印光垂組付君此事從今直上休
德對林風雨但贏得鞞紋緇面記余戲語

又 檢校停雲新種杉松戲作時飲作親舊報書紙筆偶為大風吹去未章因及之

投老空山萬松手種政爾堪嘆何日成陰吾年
有幾似見兒孫晚古來池館雲煙艸棘長使後
人淒斷想當年良辰已恨夜闌酒空人撇 停
雲高處誰知者子萬事不關心眼夢覺東窗聊
復爾爾起欲題書簡霎時風怒倒翻筆硯天也
只教吾懶又何事催急急雨片雲斗暗

又 京口北固亭懷古

千古江山英雄無覓孫仲謀處舞榭歌臺風流
總被雨打風吹去斜陽艸樹尋常巷陌人道寄
奴曾住想當年金戈鐵馬氣吞萬里如虎 元
嘉艸艸封狼居胥贏得倉皇北顧四十三年望

中猶記烽火揚州路可堪回首佛狸詞下一片
神鴉社鼓憑誰問廉頗老矣尚能飯否

歸朝歡

靈山齊菴菴蒲港皆長松茂林獨
野櫻花一株山上盛開照映可愛
不數日風雨催敗殆盡意有感因效介
卷體為賦且以菴蒲錄名之丙辰歲三

月三日也

山下千林花太俗山上一枝看不足春風正狂
此花邊葛蒲自蘸清溪綠與花同艸木問誰風
雨飄零速莫悲歌夜淡巖下驚動白雲宿 病
怯殘年頻自卜老愛遺篇難細讀苦無妙手画
於菟人間雕刻真成鵠夢中人似玉覺來更憶
腰如束許多愁問君有酒何不日絲竹

又

寄題三山鄭元英藥經樓之側有尚
友齋欲借書者就齋中取讀書不借出

萬里康成西走蜀藥市船歸書滿屋有時光彩
射星躔何人汗簡離天祿好之寧有足請看良
賈藏金玉記斯文千年未喪四壁聞絲竹 試
問辛勤攜一束何以牙籤三萬軸古來不作借

人癡有朋只就芸窗讀憶君清夢熟覺來笑我
便便腹倚危樓人間誰舞掃地八風曲

又 題趙晉臣敷
文積學齋

我笑共工緣底怒觸斷我天一柱補天又笑
女媧忙却將此石投開處野煙荒艸路先生柱
杖來看汝倚蒼苔摩挲試問千古幾風雨 長
被兒童敲火苦時有牛羊磨角去霍然千丈翠
巖屏鏘然一滴甘泉乳結亭三四五會相暖熱
攜歌舞細思量古來寒士不遇有時遇

又 丁卯歲寄題
山李參政石林

見說岷峨千古雪都作岷峨山上石君家右史
老泉公千金未盡勤收拾一堂真石石閣庭更
與天突兀記當時長編筆硯日曰雲煙溼 野
老時逢山鬼泣誰夜持山去難覓有人依樣入
明光玉堦之下巖巖立琅玕無數碧風流不數
平泉物欲重吟青葱玉樹須倚子雲筆

一枝花

醉中戲作

千丈擎天手萬卷懸河口黃金腰下印大如斗
更千騎弓刀揮霍遮前後百計千方久似鬪
兒童羸箇他家偏有 算枉了雙眉長皺白髮
空回首那時問說向山中友看丘隴牛羊更辨
賢愚否且自栽花柳怕有人來但只道今朝中

酒

喜遷鶯

謝趙晉臣敷文賦美
容詞見壽川韻藻詞

暑風涼月愛亭亭無數綠衣持節掩冉如羞參
差似妒擁出美渠花發步瀝潘娘堪恨貌比六
郎誰潔添白鷺晚晴時公子佳人竝列 休說
拳木末當日靈均恨與君王別心阻媒勞交疎
怨極恩不甚兮輕絕千古離騷文字至今猶未
歇都休問但千盃快飲露荷翻葉

瑞鶴仙

壽上饒作洪季之時
權部事且將赴普寧

黃金堆到斗怎得似長年畫堂勸酒蛾眉最明

秀向水沉煙裏兩行紅袖筆歌擁就爭說道明
年時候被姮娥做了慙慙仙桂一枝入手 知
否風流別駕近日人呼文章太守天長地久歲
上迺翁壽記從來人道相門出相金印累累儘
有但直須周公拜前魯公拜後

又賦

雁霜寒透幙正護月雲輕嫩水猶薄溪奩照梳
掠想含香弄粉豔粧難學玉肌瘦弱更重重龍
銷靦著倚東風一笑嫣然轉吟萬花羞落 寂
寞家山何在雪後園林水邊樓閣堦池舊約鄰
翁更仗誰托粉蝶兒 是尋挑覓柳開遍南枝未
覺但傷心冷落黃昏數聲畫角

又南淵雙
樓

片帆何太急望一點須臾去天咫尺舟人好看
客似三峽風濤嗟峨劔戟溪南溪北正遐想幽
人泉石看漁樵指點危樓却羨舞筵歌席 嘆

息山林鍾情意倦情遷本無欣戚轉頭陳迹飛
鳥外晚煙碧問誰憐舊日南樓老子最愛月明
吹笛到而今撲面黃塵欲歸未得

聲聲慢 秋次登樓作

征埃成陣行客相逢都道幼出層樓指點蒼牙
高處浪湧雲浮今年太平萬里罷長淮千騎臨
秋凭欄望有東南佳氣西北神州 千古懷嵩
人去還笑我身在楚尾吳頭看取弓刀陌上車
馬如流從今賞心樂事剩安排酒令詩籌華胥
夢願年年人似舊游

又 朝紅木犀余兒時嘗入京師禁中疑碧池因書當時所見

開元盛日天上栽花月殿桂影重重十里芬芳
一枝金粟玲瓏管絃凝碧池上記當時風月愁
儂翠華遠但江南艸木煙鎖淡宮 只為天姿
冷澹被西風醞釀徹骨香濃枉學丹蕉葉底偷
染妖紅道人取次裝束是自家香底家風又怕

是為淒涼長在醉中

又 送饒黃作職滿赴調

東南形勝人物風流白頭見君恨晚便覺君家
叔度去人未遠長憐士元驥足道直須別駕方
展問箇裏待怎生銷殺胸中萬卷 況有星辰
劔履是傳家合在玉皇香案零落新詩我欠可
人消遣留君再三不住便直饒萬家淚眼怎抵
得這眉間黃色一點

又 墨梅調明停雲詩

停雲靄靄八表同昏盡日時雨濛濛搔首良朋
門前平陸成江春醪湛湛獨撫恨彌襟閑飲東
窗空延佇恨舟車南北欲往何從 嘆息東園
佳樹列初榮枝葉再繞春風日月于征安得促
席從容翩翩何處飛鳥息庭柯好語和同當年
事問幾人親友似翁

八聲甘州

蘇建康帥胡長文給事時方闕折紅梅之舞且有綰帶之寵

把江山好處付公來金陵帝王州想今年燕子
依然認得王謝風流只用平時算組彈壓萬貌
貅依舊鈞天夢玉殿東頭 看取黃金橫帶是
明年準擬丞相封侯有紅梅新唱香陣卷溫柔
且畫堂通宵一醉待從今更數八千秋公知否
邦人香火夜半纔收

又夜讀李廣傳不能寐因念楚老楊民
瞻約同居山間戲用李廣事賦以寄之

故將軍飲罷夜歸來長亭解離鞍恨灞陵醉尉
匆匆未識桃李無言射虎山橫一騎裂石響驚
弦落魄封侯事歲晚田園 誰向桑麻杜曲要
短衣匹馬移住南山看風流慷慨談笑過殘年
漢開邊功名萬里甚當時健者也會開紗窗外
斜風細雨一陣輕寒

雨中花慢 登新樓有懷趙昌甫徐斯
遠韓仲正吳子似楊氏瞻

舊雨常來今雨不來佳人假蹇誰留幸山中羊
粟今歲全收貧賤交情落落古今吾道悠悠怪

新來却見文友離騷詩發秦州 功名只道無
之不樂那知有更堪憂怎奈向兒曹抵死喚不
回頭石臥山前認虎蟻喧林下聞牛爲誰西重
憑欄一餉却下層樓

又吳子似見和
再用韻爲別

馬上三年醉帽吟鞍錦囊詩卷長畱悵溪山舊
管風月新收明便關河杳杳去應日月悠悠笑
千篇索價未抵蒲桃五斗涼州 停雲老子有
酒盈尊琴書端可消憂渾未解傾身一飽浙米
矛頭心似傷弓塞雁身如喘月吳牛曉天涼夜
月明誰伴吹笛南樓

漢宮春 立
春

春已歸來看美人頭上裊裊春幡無端風雨未
肯收盡餘寒年時燕子料今宵夢到西園渾未
辦黃柑薦酒更傳青韭堆盤 却笑東風從此
便薰梅染檜更沒些閑閑時又來鏡裏轉變朱

顏清愁不斷問何人會解連環生怕見花開花
落朝來塞雁先還

又卽事

行李溪頭有釣車茶具曲几團蒲兒童認得前
度過者籃輿時時照影甚此身偏滿江湖悵野
老行歌不住定堪與語難呼 一自東籬搖落
問淵明歲晚心賞何如梅花政自不惡曾有詩
無知翁止酒待重教蓮社人沽空悵望風流已

矣江山特地愁余

又會稽蓬萊閣懷古

秦望山頭看亂雲急雨倒立江湖不知雲者爲
雨雨者雲乎長空萬里被西風變滅須臾回首
聽月明天籟人間萬竅號呼 誰向若耶溪上
倩美人西去麋鹿姑蘇至今故國人望一舸歸
歎歲云暮矣問何不鼓瑟吹竽君不見王亭謝
館冷煙寒樹啼鳥

又會稽秋風亭觀雨

亭上秋風記去年嫋嫋曾到吾廬山河舉目雖
異風景非殊功成者去覺團扇便與人疎吹不
斷斜陽依舊茫茫禹跡都無 千古茂林猶在
甚風流章句解擬相如只今木落江冷眇眇愁
余故人書報莫因循忘却尊鱸誰念我新涼燈
火一編太史公書

又答李兼善提舉和章

心似孤僧更茂林脩竹山上精廬維摩定自非
病誰遣文殊白頭自憐歎相逢語密情疎傾蓋
處論心一語只今還有公無 最喜陽春妙句
被西風吹墮金玉鏗如夜來歸夢江上父老歡
余荻花淡處喚兒童吹火烹鱸歸去也絕交何
必更脩山巨源書

又會英千似總幹和章

達則青雲便玉堂金馬窮則茅廬逍遙小大白

適鷓鴣何殊君如星斗燦中天密密疎荒艸
外自憐螢火清光暫有還無 千古季鷹猶在
向松江道我問訊何如白頭愛山下去翁定嘆
余人生謾爾豈食魚必膾之鱸還自笑君詩頗
覺胸中萬卷藏書

滿庭芳

和丞相景伯韻

傾國無媒入宮見如古來輩損蛾眉看公如月
光彩衆星稀袖手高山流水聽群蛙鼓吹荒池
文章手直須補衮藻火燦宗彝 癡兒公事了
吳蠶纏繞自吐餘絲幸一枝蠹穩三徑新治且
約湖邊風月功名事欲使誰知都休問英雄千
古荒艸漫殘碑

又

和洪丞相景伯韻呈景盧內翰

急管哀絃長歌慢舞連娟十樣宮眉不堪紅紫
風雨曉稀稀惟有楊花飛絮依舊是萍滿芳池
陰隲狂青虬快剪神遍古銅彝 誰將春色去

鸞膠難覓絃斷蛛絲恨牡丹多病也費醫治夢
裏尋春不見空斷腸怎得春知休惆悵一觴一
詠須刻右軍碑

又游豫章東湖再用韻

柳外尋春花邊得句怪公喜氣軒眉陽春白雪
清唱古今稀曾是金鑾舊客記鳳凰獨遠天池
揮毫罷天顏有喜催賜尚方彝 公在詞掖嘗拜尚方實彝之賜
只今江山遠釣天夢覺清淚如絲算除非痛把
酒療花治明日五湖佳典扁舟去一笑誰知溪
堂好且拚一醉倚杖讀韓碑 堂記公所製也

又

和章泉趙昌父

西崦斜陽東江流水物華不爲人流崢然一葉
天下已知秋屈指人間得意問誰是騎鶴揚州
君知我從來雅興未老已滄洲 無窮身外事
百年能幾一醉都休恨兒曹抵死謂我心憂况
有溪山杖屨阮籍輩須我來游還堪笑機心早

覺海上有驚鷗

六么令 用陸氏事送玉山令陸德隆侍親東歸吳中

酒群花隊攀得短轅折誰憐故山歸夢千里尊
羹滑便整松江一棹檢點能言鴨故人欲接醉
懷霜橘墮地金圓醒時覺 長喜劉郎馬上肯
聽詩書說誰對叔子風流直把曹劉壓更看君
侯事業不負平生學離腸愁怯送君歸後細寫
茶經煮香雪

又 再用前韻

倒冠一笑華髮玉簪折陽關自來凄斷却怪歌
聲滑放浪兒童歸舍莫惱比隣鳴水連山接看
君歸興如醉中醒夢中覺 江上吳儂問我一
一煩君說忍使算酒頻空賸欠珍珠壓手把漁
竿未穩長向滄浪學問愁誰怯可堪楊柳先作
東風滿城雪

醉翁操 項余從范先之求觀家譜見其冠冕輝映世載藝德元之藝文而好

修愈其昌未艾也時單慶勳臣子孫無
見任者命官之先是屢試甄錄元祐黨
籍家合是二者先之應任矣將告諸朝
行有日請余作詩以贈屬余避諱持此
戒甚力不得如先之之請又念先之與
余遊八年日從事詩酒間意相得歡甚
於其別也何獨能忽然頓先之長於楚
詞而妙於琴輓擬醉翁操為之詞以叙
別與時先之館租東歸策當年買羊沽
酒先之為鼓一再行以為山中盛事云
長松之風如公宵余從山中心與吾兮誰同
湛湛千里之江上有楓噫送子東望君之門兮
九重女無悅已誰適為容 不龜手藥或一朝
取封昔與遊兮皆童我獨窮兮今翁一魚兮一
龍勞心兮忡忡噫命與時逢子之所食兮萬鍾

醜奴兒近 博山道中效李易安體

千峰雲起驟雨一霎兒價更遠樹斜陽風景怎
生圖畫青旗賣酒山那畔別有人家只消山水
光中無事過者一霎 午睡醒時松窗竹戶萬
千瀟灑野鳥飛來又是一飛流萬壑共千巖爭
秀孤負平生弄泉手歎輕衫帽幾許紅塵還自

喜濯髮滄浪依舊 人生行樂耳身後虛名何
似生前一盃酒便此地結吾廬待學淵明更手
種門前五柳且歸去父老約重來問如此青山
定重來否

洞仙歌

浮石山莊余友月湖道人何同叔之別墅也山類羅浮故以名同叔嘗作遊山次序例示余且索詞為賦洞仙歌以遺之同叔頃遊羅浮遇一老人麗幅巾語同叔云當有晚年之契益儂云

松關桂嶺望菁蔥無路費盡銀鈎榜佳處悵空
山歲晚窈窕誰來須著我醉臥石樓風雨 僊
人瓊海上握手當年笑許君攜半山去劍壘嶂
卷飛泉洞府淒涼又怕怕先生多取怕夜半羅
浮有時還好長把雲煙再三遮住

又開南樓初成賦

婆娑欲舞怪青山歡喜分得清溪半篙水記平
沙鷗鷺落日漁樵湘江上風景依然如此 東
籬多種菊待學淵明飲酒詩情不似十里漲春

波一棹歸來只做箇五湖范蠡是則是一般弄扁
舟爭知道他家有箇西子

又越晉臣和李能伯韻屬余同和趙以兄弟有職名為龍詞中頗敘其盛故未章有製土分茅之句

舊交貧賤太半成新貴冠蓋門前幾行李看匆
匆哂笑爭出山來憑誰問小艸何如遠志 悠
今古事得喪乘除算四朝三又何異任掀天事
業冠古文章有幾箇笙歌晚歲況滿屋貂蟬未
爲策記裂土分茅是公家世

又丁卯八月病中作

賢愚相去算其間能幾差以毫釐繆千里細
義利舜跖之分孳孳者等是雞鳴而起 味甘
終易壞歲晚還知君子之交淡如水一餉聚飛
蚊其響如雷淡自覺昨非今是美安樂窩中泰
和湯更劇飲無過半醺而已

蔣山溪停雲竹過初成

小橋流水欲下前溪去喚起故人來伴先生風
煙杖屨行穿窈窕時歷小崎嶇斜帶水半遮山
翠竹栽成路 一尊遐想剩有淵明趣山上有
停雲看山下濛濛細雨野花啼鳥不宥入詩來
還一似笑翁詩自沒安排處

又 趙昌父賦一丘一壑
格律高古因效其體

飯蔬飲水客莫嘲吾拙高處看浮雲一丘壑中
間甚樂功名妙手壯也不如人今老矣尙何堪
堪釣前溪月 病來止酒辜負鷓鴣杓歲晚念
平生待都與鄰翁細說人間萬事先覺者賢乎
淡雪裏一枝開春事梅先覺

最高樓 醉中有索四
時歌為賦

長安道投老倦遊歸七十古來稀藕花雨溼前
湖夜桂枝風澹小山時怎消除須帶酒更吟詩

也莫向竹邊辜負雪也莫向柳邊辜負月關
過了總成癡種花事業無人問惜花情緒只天

知笑山中雲出早鳥歸遲

又 和楊民瞻席上
用韻賦牡丹

西園買誰載萬金歸多病勝遊稀風斜畫燭天
香夜涼生翠蓋酒酣時待重尋居士譜謫僊詩
看黃底御袍元自覺看紅底狀元新得意如
斗大笑花癡漢妃翠被嬌無奈吳姬粉陣恨誰
知但紛紛蜂蝶亂笑春遲

又 送丁懷忠教授入廣渠赴調都下久不
得書或謂從人碎置或謂復歸關中矣

相思苦君與我同心魚沒雁沉沉是夢松後追
軒冕是化鶴後去山林對西風且悵望到如今
待不飲奈何君有恨待痛飲奈何吾又病君
起舞試重斟蒼梧雲外湘妃淚鼻亭山下鷓鴣
吟早歸來流水外有知音

又 度洪景虛
內翰七十

金闕參層壽正如川七十且攀筵樂天詩句香
山裏杜陵酒債曲江邊問何如歌窈窕舞嬋娟

夏十歲太公方出將又十歲武公方入相
雷盛事看明年直須腰下添金印莫教頭上欠貂蟬
向人間長富賢地行儂

又謝前朝明氏
詩表有明

君聽取尺布尚堪縫斗粟也堪舂人間朋友猶能合
古來兄弟不相容棟華詩悲二叔吊周公

長歎息春令原上急重歎息豆萁煎正泣形則與氣
應同周家五世將軍後前岡千載義居

風看朝朝丹鳳詔紫泥封

又香有賦甚
者代咳海

花知否花一似何郎又似沈東陽瘦後後地天然
自冷清清地許多香笑東君還又向北枝忙

著一陣霎時間底雪更一箇缺些兒底月山下
路水邊牆風流怕有人知處影兒守定竹旁

廂且饒他桃李迎少年場

又詞會制起
香定數文

花好處不趁綠衣郎縞袂立斜陽面皮兒上因誰
白骨頭兒裏幾多香儘饒他心似鐵也須忙甚喚得
雪來白剗雪便喚得月來香殺月誰

立馬更窺牆將軍止渴山南畔相公調鼎殿東

廂忒高才經濟地戰爭場

又香擬乞歸犬子以出產
未置止兵賦此為之

吾衰矣須富賢何時富賢是危機暫忘設醴抽
身去未曾得米棄官歸穆先生陶縣令是吾師

待葺簡園兒名佚老更作箇亭兒名亦好閑

飲酒醉吟詩千年田換八百主一人口插幾張

匙咄豚奴愁產紫豈佳兒

上西平
詞會制起

九衢中盜逐馬帶隨車問誰解愛管瓊華何如
竹外靜聽窸窣響行沙自憐是海山頭種玉人

家紛如鬪嬌如舞纒整整又斜斜要圖畫還

我漁蓑凍吟應笑羔兒無分謾煎茶起來極目

向彌茫數盡歸鴉

又

送杜叔高

恨如新新恨了又重新看天上多少浮雲江南
好景落花時節又逢君夜來風雨春歸似欲畱
人 尊如海人如玉詩如錦筆如神瘦幾字盡
殷勤江天日暮何時重與細論文綠楊陰裏聽
陽關門掩黃昏

稼軒詞卷第三

新荷葉

和趙德莊詞

人已歸來杜鵑欲勸誰歸綠樹如雲等閒付與
鴛飛兔葵燕麥問劉郎幾度沾衣翠屏幽夢覺
來水繞山圍 有酒重攜小園隨意芳菲往日
繁華而今物是人非春風半面記當年初識崔
徽南雲雁少錦書無箇因依

又再和

前詞

春色如愁行雲帶雨纔歸春意長閒游絲盡日
低飛閒愁幾許更晚風特地吹衣小窗人靜茶
聲似解重圍 光景難攜任他鷓鴣芳菲細數
前愆不應詩酒皆非知音絃斷笑淵明空撫餘
徽停盃對影待邀明月相依

又再題傳廉

更悠然閣

種豆南山零落一項爲其歲晚淵明也吟艸盛
苗稀風流剗地向尊前采菊題詩悠然忽見此

山正繞東籬 千載襟期高情想像當時小閣
橫空朝來翠撲人衣是中真趣問騁懷遊目誰
知無心出岫白雲一片孤飛

又趙茂嘉趙晉臣和韻見約初秋訪悠然再用韻

物盛還衰眼看春葉秋葉賚賤交情翟公門外
人稀酒酣耳熱又何須幽憤裁詩茂林脩竹小
園曲逕疎籬 秋以爲期西風黃菊開時拄杖
敲門任他顛倒裳衣去年堪笑醉題詩醒後方
知而今東望心隨去鳥先飛

又上巳日吳子似謂古今無此詞索賦

曲水流觴賞心樂事良辰蘭蕙光風轉頭天氣
還新明眸皓齒看江頭有女如雲折花歸去綺
羅陌上芳塵 能幾多春試聽啼鳥殷勤對景
興懷向來愛樂紛紛且題醉墨似蘭亭別敘時
人後之覽者又將有感斯文

御街行無題

關千四面山無數 供望眼 朝與暮 好風吹雨過

山來吹盡一簾煩 暑紗厨如霧 簾紋如水 別有

生涼處 水肌不受鉛華汚 更施施 眞香聚 臨

風一曲 最妖嬈 唱得行雲且住 藕花都放水犀

開後 侍與乘鸞去

又山中開盛後之復行別

山城甲子冥冥雨 門外青泥路 杜鵑只是尋聞

啼 莫被他催歸去 垂楊不語 行人去後 也會風

前絮 情知夢裏尋 鴛鴦玉殿 追班處 怕君不

飲 太愁生 不是苦留君住 白頭笑我 年年送客

自歎 春江渡

祝英臺近春

寶釵分挑葉渡 暝柳暗南浦 怕上層樓 十日九

風雨 斷腸點點飛紅 都無人管 更誰勸流鶯聲

住 貧邊觀試把花卜歸期 才替又重數 羅帳

燈昏 啜咽夢中尋 是他春帶愁來 春歸何處 却

不解帶 將愁去

又與谷飲歌泉客以泉聲喧靜為問余醉未及會或者以蠲勝林澗靜代對意甚賦詞以資之

美矣翌日為此

水縱橫 山遠近 拄杖占千頃 老眼羞明 水底看

山影 試教水動 山搖 吾生堪笑 似此箇 青山無

定 一瓢飲人間 翁愛飛泉來 尋箇中靜 遠屋

聲喧 怎做靜中鏡 我眠君且歸 休維摩 方丈待

天女散花時間

婆羅門引別杜叔高叔高長於楚詞

落花時節 杜鵑聲裏 送君歸 未肖文字 相繫只

怕蛟龍 雲雨後 曾渺難期 更何人念我 老大傷

悲 已而已 而算此意 只君知 記取蛟亭買酒

雲洞題詩 爭如不見 纔相見 便有別離時 千里

月兩地相思

又用韻別鄭逢道

綠陰啼鳥 陽關未徹 早催歸 歌珠悽斷 繫繫回

首海山何處千里芙蓉期歎高山流水絃斷堪

悲中心悵而似風雨落花知更擬停雲君去

細和陶詩見君何日待瓊林宴罷醉歸時人爭

看寶馬來思

又用誤會陳先之時
陳先之幸龍泉歸

龍泉佳處種花滿縣却東歸腰間玉若金纍須

信功名富貴長與少年期恨高山流水古調今

悲臥龍暫而算天上有人知最好五十學易

三百篇詩男兒事業看一日須有致君時端的

了休便尋思

又用韻禽趙
晉昆數文

不堪鷓鴣早教百艸放春歸江頭愁殺吾纍却

覺君侯雅句千載芙蓉心期便留春甚樂樂了須

悲瓊而素而被花惱只罵知正要千鍾角酒

五字裁詩江東日算道繡斧人去未多時還又

要玉殿論思

又越音四散文
賦獨掩舊游未
草因及之

落星萬點一天寶焰下層霄人間疊作僊鼉取

愛金蓮側畔紅粉裊花梢更鳴鼙擊鼓噴玉吹

簫曲江画橋記花月可憐宵想見閉愁未了

宿酒纒消東風搖蕩似楊柳十五女兒腰人共

柳那箇無聊

十年調
關山侯得石
出望牛意天
之謂也

左手把青霓右手扶明月吾使豐隆前導叫開

闔闔周遊上下徑入寥天一覽玄圃萬斛泉千

丈石鈞天廣樂燕我瑤之席帝飲予觴甚樂

賜汝蒼螢璘珣突兀正在一丘壑余馬懷僕夫

悲下恍惚

又兼卷十閣名曰
自作此詞以
之

卮酒向人時和氣先傾倒最要然然可萬事

稱好滑稽坐上更對鴟夷笑寒與熱總隨入甘

國老少年使酒出口人嫌拗此箇和合道理

近日方曉學人言語未會十分巧看他門得人憐秦吉了

粉蝶兒 和趙晉臣數
文賦洛梅

昨日春如十三女兒學繡一枝枝不教花瘦甚無情便下得雨解風慙向園林鋪作地衣紅縵而今春似輕薄蕩子難久記前時送春歸後把春波都釀作一江醇酎約清愁楊柳岸邊相候

千秋歲 金陵寄史帥致
道時有秋菜役

塞垣秋艸又報平安好算組上英雄表金湯生氣象珠玉霏譚笑春近也春花得似人難老莫惜金尊倒鳳詔看看到畱不住江東小從容帷幄裏整頓乾坤了千百歲從今盡是中書考

江神子 和人
韻

賸雲殘日弄陰晴晚山明小溪橫枝上綿蠻休作斷腸聲但是青山山下路青到處總堪行

當年絲筆賦蕪城憶平生若為情試把靈槎歸路問君平花底夜深寒較甚須拚却玉山傾

又

梨花著雨晚來晴月隴明淚縱橫繡閣香濃淡鎖鳳簫聲未必人知春意思還獨自遶花行酒兵昨夜壓愁城太狂生轉關情寫盡胸中塊磊未全平却與平章珠玉價看醉裏錦囊傾

又 和陳仁
和韻

玉簫聲遠憶驂鸞幾悲歡帶羅寬且對花前痛飲莫畱殘歸去小窗明月在雲一縷玉千竿吳霜應點鬢雲斑綺窗閉夢連環說與東風歸興有無問芳艸姑蘇臺下路和淚看小屏山

又

寶釵飛鳳鬢鸞鏡重歡水雲寬腸斷新來翠被粉香殘待得來時春盡也梅結子筭成竿湘筠簾捲淚痕斑珮聲閉玉垂環箇裏柔溫客

我老其間却笑平生三羽箭何日去定天山

又和人韻

梅梅柳柳關纖穠亂山中為誰容試著春衫依舊怯東風何處踏青人未去呼女伴認驕驄
兒家門戶幾重重記相逢畫樓東明日重來風
雨暗殘紅可惜行雲春不管裙帶褪鬢雲鬆

又博山道中書王氏壁

一川松竹任橫斜有人家被雲遮雪後疎梅時見兩三花比著桃源溪上路風景好不爭些
旗亭有酒徑須賒晚寒咱怎禁他醉裏匆匆歸
騎自隨車白髮蒼顏吾老矣只此地是生涯

又調蟬蛙戲作

簾鋪湘竹帳籠紗醉眠些夢天涯一枕驚回水底沸鳴蛙
借問宣天成鼓吹良自苦為官耶
心空喧靜不爭多病維摩意云何掃地燒香且看散天花
斜日綠陰枝上噪還又問是蟬麼

又送元濟之歸豫章

亂雲擾擾水潺潺笑溪山幾時閒更覺桃源人去隔僊凡桃源乃王氏酒壚與濟之送別處萬壑千巖樓外雪
瓊作樹玉為欄倦遊回首且加餐短蓬寒畫圖間見說嬌鞦擁髻待君看二月東湖湖上路
官柳嫩野梅殘

又賦梅寄余叔良

暗香橫路雪垂垂晚風吹曉風吹花意爭春先出歲寒枝畢竟一年春事了綠太早却成遲
未應全是雪霜姿欲開時未開時粉面朱唇一半點胭脂
醉裏訪花花莫恨渾冷澹有誰知

又別吳子似未奇潘德久

看君人物漢西都過吾廬笑談初便說公卿元自要通儒
一自梅花開了後長怕說賦歸歎
而今別恨滿江湖怎消除算何如杖屨當時聞早放教疎
今代故交新賢後渾不寄數行書

又侍者請先生賦詞自壽

兩輪屋角走如梭
大忙些怎禁他
擬倩何人天上
勸姦娥
何似從容來左右
傾美酒聽高歌
人生今古不消磨
積教多似塵沙
未必堅牢刻
地實堪嗟
莫道長生學不得
學得後待如何

又和季龍伯韻呈趙晉臣

五雲高處望西清
玉階升棟華榮
築屋溪頭樓
觀画難成長
夜笙歌
還起問誰放月
又西沉
家傳鴻寶舊知名
看長生奉嚴宸
且把風流水
北画蒼英咫尺
西風詩酒社
石鼎何憂瀰明

青玉案

東風夜放花千樹
更吹落星如雨
寶馬雕車香滿路
鳳簫聲動玉壺光轉
一夜魚龍舞
蛾兒雪柳黃金縷
笑語盈盈暗香去
眾裏尋它千百度
驀然回首那人却在燈火闌珊處

感皇恩

滁州壽

春事到清明
十分花柳喚得笙歌
勸君酒酒如春好
春色年年依舊
青春元不老
君知否
席上看君竹清松瘦
待與青春鬪
長久三山歸路
明日天香襟袖
更待金盞起為君壽

又

七十古來稀
人人都道不是陰功
怎生到松委
雖瘦偏奈雪寒霜曉
看君雙鬢底青青好
樓雪初晴
庭闈嬉笑
一醉何妨
玉壺倒從今康健
不用靈丹
仙艸
更看一百歲人難老

又慶婦母王恭人七十

七十古來稀
未為希有
須是榮華更長久
滿牀靴笏
羅列兒孫
新婦精神
渾似箇西王母
遙想画堂兩行紅袖
妙舞清歌
擁前後大男小女
逐箇出來為壽
一箇一百歲一盃酒

又讀莊子開朱晦庵印世

秦上數編書
非莊即老
會說忘言
始知道萬言

千句不自能忘堪笑今朝梅雨霽青天好
一
整一丘輕衫短帽白髮多時故人少子雲何在
應有玄經遺艸江河流日夜何將了

又 壽翁山樓
丞及之

富貴不須論公應自有且把新詞祝公壽當年
僊桂父子同攀希有人言金殿上他年久 冠
冕在前周公拜手同日催班魯公後此時人羨
綠鬢朱顏依舊親朋來賀喜休辭酒

行香子 三山
作

好雨當春要趁歸耕況而今已是清明小窗坐
地側聽簷聲恨夜來風夜來月夜來雲 花絮
飄零鶯燕丁寧怕妨儂湖上閉行大心肯後費
甚心情放霎時陰霎時雨霎時晴

又 上卷
李主

白露園疏碧水溪魚笑先生釣罷遊鱗小窗高
臥風展殘書看北山移盤谷序輞川圖 白飯

青蒨赤脚長鬚客來時酒盡重沽聽風聽雨吾
愛吾廬歡苦無心剛自瘦此君疎

又 博山戲呈趙
昌甫韓仲止

少日嘗聞富不如貧賢不如賤者長存由來至
樂總屬閒人且飲瓢泉弄秋水看停雲 歲晚
情親老語彌真記前時勸我慙慙都休帶酒也
莫論文把相牛經種魚法教兒孫

又 雲巖
道中

雲岫如簪野漲接藍向春闌綠醒紅酣青裙編
袂兩兩三三把麪生禪玉版局一時參 拄杖
彎環過眼嵌巖岸輕鳥白髮鬢參他年來種萬
柱千杉聽小綿蠻新格磔舊呢喃

一剪梅 游麻山呈
葉丞相

獨立蒼苔醉不歸日暮天寒歸去來今探梅踏
雪幾何時今我來思楊柳依依 白石崗頭曲
岸西一片閒愁芳艸萋萋多情山鳥不須啼桃

李無言下自成蹊

又 中秋無月

憶對中秋月桂叢花在盃中月在盃中今宵樓上一尊同雲溼紗窗雨溼紗窗 渾欲棄風問化工路也難通信也難通滿堂惟有燭花紅盃且從容歌且從容

踏沙行

庚戌中秋後二夕帶湖築圃小酌

夜月樓臺秋香院宇笑吟吟地人來去是誰秋到便淒涼當年宋玉悲如許 隨分盃盤等閒歌舞問他有甚堪悲處思量却有悲時重陽節近多風雨

又 賦木犀

弄影闌干吹香崑谷枝枝點點黃金粟未堪收拾付薰爐窗前且把離騷讀 奴僕葵花兒曹金菊一枝風露清涼足傍邊只欠箇姮娥分明身在蟾宮宿

又 賦稼軒集經句

進退存亡行藏用舍小人請學樊須稼衡門之下可棲遲日之夕矣牛羊下 去衛靈公遭桓司馬東西南北之人也長沮桀溺耦而耕丘何為是栖栖者

又 和趙國典如錄韻

吾道悠悠憂心悄悄最無聊處秋光到西風林外有啼鴉斜陽山下多衰艸 長憶商山當年四老塵埃也走咸陽道為誰書到便幡然至今此意無人曉

定風波 暮春感興

少日春懷似酒濃插花走馬醉千鍾老去逢春如病酒唯有茶甌香篆小簾籠 卷盡殘花風未定休恨花開元自要春風試問春歸誰得見飛燕來時相遇夕陽中

又 大醉歸自粵園家人有痛飲之戒故書于壁

昨夜山翁倒載歸兒童應笑醉如泥試與扶頭
渾未醒休問夢魂猶在葛家溪 欲覓醉鄉今
古路知處溫柔東畔白雲西起向綠窗高處看

題徧劉伶元自有賢妻

用藥名招發源馬荀
仲游雨崑馬善醫

山路風來艸木香雨餘涼意到胡林泉石膏育
吾已甚多病隄防風月費篇章 孤負尋常山
間醉獨自應知楊子艸玄忙湖海早知身汗漫

誰伴只甘松竹笑淒涼

又藥名

仄月高寒水石鄉倚空青碧對禪房白髮自憐
心似鐵風月史君仔細與平章 平替生涯第
竹杖來往却慚沙鳥笑人忙便好賸畱黃卷句

誰賦銀鈞小艸晚天涼

又施樞密聖
與帝上賦

春到蓬壺特地晴神仙隊裏相公行翠玉相挨

呼小子須記笑簪花底是飛瓊 總是傾城來
一處誰妒誰攜歌舞到園亭柳妒腰肢花妒艷
聽著流鶯直是妒歌聲

又席上送范先
之游建鄴

聽我算前醉後歌人生無奈別離何但使情親
千里近須信無情對面是山河 寄語石頭城
下水居士而今渾不怕風波僭使未成鷗鷺伴
經慣也應學得老漁蓑

又三山送盧國華提
刑約上元重來

少日猶堪話別離老來怕作送行詩極目南雲
無雁過君看梅花也解寄相思 無限江山行
未了父母不須和淚看旌旗後會丁寧何日是
須記春風十里放燈時

又用韻時國華置
酒歌舞甚盛

莫望中州歎黍離元和盛德要君詩老去不堪
誰似我歸臥青山活計費尋思 誰築詩壇高

十丈直上看君斬將更舉旗歌舞正濃還有語
記取鬢髯不似少年時

又自和

金印累累佩陸離河梁夏賦斷腸詩莫擁旌旗
眞箇去何處玉堂元自要論思 且約風流三
學士同醉春風看試幾槍旗從此酒酣明月夜
耳熱那邊應是說儂時

又賦壯
簡花

百紫千紅過了春杜鵑聲苦不堪聞却解啼教
春小住風雨空山招得海棠魂 恰似蜀宮當
日女無數猩猩而染緒羅巾畢竟花開誰作主
記取大都花屬惜花人

又再用韻和趙晉臣數文

野艸開花不當春杜鵑却是舊知聞謾道不如
歸去住梅雨石榴花又是離魂 前殿群臣淡
殿女豬袍一點萬紅巾莫問興亡今幾許聽取

花前毛羽已羞人

破陣子

為范南伯壽時南伯為張南軒拜宰盧溪南伯遂進求行固作此以

之勉

擲地劉郎玉斗挂帆西子扁舟千古風流今在
此萬里功名莫放休君王三百州 燕雀豈知
鴻鵠貂蟬元出兜鍪却笑盧溪如斗大肯把牛
刀試手不壽君雙玉甌

又為陳同甫賦壯詩以寄之

醉裏挑燈看劍夢回吹角連營八百里分麾下
馬五十絃翻塞外聲沙場秋點兵 馬作的盧
飛快弓如霹靂弦驚了却君王天下事贏得生
前身後名可憐白髮生

又

少日春風滿眼而今秋葉辭柯便好消磨心下
事也憶尋常醉後歌新來白髮多 明日扶頭
顛倒倚誰伴舞婆娑我定思君拚瘦損君不思

今可奈何天寒將息呵

又趙晉臣數文幼女辭主竟詞

菩薩叢中惠眼頰人詩裏娥眉天上人間真福
相画就描成好鬢兒行時嬌更遲 勸酒偏多
最劣笑時偷有些痴更著十年君看取兩國夫
人更是誰殷勤秋水詞

又破石道中有快吳子似辭賦

宿麥畦中雉雉桑葉陌上羶生騎火須防花月
暗玉唾長攜綠筆行隔牆人笑聲 莫說弓刀
事業依然詩酒功名千載途中今古事萬石溪
頭長短亭小塘風浪平 時修園經其亭嶼述中之迹當作園

臨江仙

梅

老去惜花心已懶愛梅猶遶江村一枝先破玉
溪春更無花態度全是雪精神 曠向青山餐
秀色爲渠著句清新竹根流水帶溪雲醉中渾
不記歸路月黃昏

又

莫向空山吹玉笛壯懷酒醒心驚四更霜月太
寒生被翻紅錦浪酒滿玉壺水 小陸未須臨
水笑山林我輩鍾情今青依舊醉中行試尋殘
菊處中路候淵明

又再用韻送福之弟歸洋溪

鍾鼎山林都是夢人間寵辱休驚只消閒處過
平生酒盃秋吸露詩句夜裁冰 記取小窗風
雨夜對牀燈火多情問誰千里伴君行曉山眉
樣翠秋水鏡般明

又

小醫人憐都惡瘦曲眉天與長鞦沉思歡事惜
腰身枕添離別淚粉落却淡旬 翠袖盈盈渾
力薄玉笙嬌媚愁新夕陽依舊倚窗塵葉紅苔
鬱碧溪院斷無人

又

逗曉鶯啼聲呢呢掩關高樹冥冥小渠春浪細
無聲井窗聽夜雨出薜蘿轆青 碧碧旋荒金
谷路烏絲重記蘭亭彊扶殘醉遶雲屏一枝風
露溼花重入疎櫺

又 卸席和韓南潤韻

風雨催春寒食近平原一片丹青溪頭喚渡柳
邊行花飛蝴蝶亂桑嫩野鷺生 綠野先生閒
袖手却尋詩酒功名未知明日定陰晴今宵成
獨醉却笑眾人醒

又 為岳母壽

住世都知菩薩行仙家風骨精神壽如山岳福
如雲金花湯沐誥竹馬綺羅裙 更願昇平添
喜事大家禱祝殷勤明年此地慶佳辰一盃千
歲酒重拜太夫人

又 和信守王道夫韻謝以為壽時僕作閑憲

記取年年為客夜只今明月相隨莫教絃管便

生衣引壺觴自酌須富貴何時 入手清風詞
夏好細書白蠟鳥絲海山問我幾時歸棗瓜如
可啖直欲覓安期

又

春色饒君白髮了不妨倚綠偎紅翠髮催喚出
房櫳坐肩金縷窄醺甲寶杯濃 睡起鴛鴦飛
燕子門前沙暝泥融画樓人把玉西東舞低花
外月唱徹柳邊風

又

金谷無煙宮樹綠嫩寒生怕春風博山微透暝
薰攏小樓春色裏幽夢雨聲中 別浦鯉魚何
日到錦書封恨重重海棠花去年逢也應隨
分瘦忍淚覓殘紅

又 戲為期思詹老壽

手種門前烏檣樹而今千尺蒼蒼田園只是舊
耕桑盃盤風月夜蕭鼓子孫忙 七十五年無

事客不妨兩鬢如霜綠窗刻地調紅粧更從今日醉三萬六千場

又

手撚黃花無意緒等閒行盡回廊捲簾芳桂散餘香枯荷難睡鴨疎雨暗添塘憶得舊時攜手處如今水遠天長羅巾浥淚別殘粧舊歡新夢裏閒處却思量

又

和葉仲洽
賦老桃

憶醉三山芳樹下幾曾風韻忘懷黃金顏色五花開味如盧橘熟賢似荔枝來聞道商山餘四老橘中自釀秋醅試呼名品細推排重重香肺腑偏帶聖賢盃

又

冷雁寒雲渠有恨春風自滿余懷更教無日不花開未須愁菊盞相次有梅來

醅

多要安排不須連

日醉且進兩三盃

又侍者阿戩將行
賦錢字以贈之

一自酒情詩興嬾舞裙歌扇闌珊好天良夜月團團杜陵真好事畱得一錢看歲晚人欺程不識怎教阿堵畱連楊花榆莢雪漫天從今花影下只看綠苔圓

又諸葛元亮席上
見和再用韻

夜雨南堂新瓦響三更急雨珊珊交情莫作碎沙團死生貧富際試向此中看記取他年嘗舊傳與君名字牽連清風一枕晚涼天覺來還自笑此夢倩誰圓

又壬戌歲生
日書懷

六十三年無限事從頭悔恨難追已知六十二年非只應今日是後日又尋思少是多非惟有酒何須過後方知從今休似去年時病中留客飲醉裏和人詩

又再用圓字韻

窄樣金盃休教了房櫳試聽珊珊莫教秋扇雲團團古今悲笑事長付後人看 記取結隸春雨後短畦菊艾相連拙於人處巧於天君看流水地難得正方圓

又戲為山園蒼壁解嘲

莫笑吾家蒼壁小稜層勢欲摩空相知惟有主人翁有心雄泰筆無意巧玲瓏 天作高山難得料解嘲試倩楊雄君看當日仲尼窮從人賢子貢自欲學周公

又蒼壁戲隱戲作

鼓子花開春爛熳荒園無限思量今朝拄杖過西鄉急呼桃葉渡為看牡丹忙 不啻昨宵風雨橫依然紅紫成行白頭陪奉少年場一枝簪不住推道帽簷長

又

醉帽吟鞭花不住却招花共商量人生何必醉為鄉從教斟酒漫休更和詩忙 一斗百篇風月地饒他老子當行從今三萬六千場青青頭上髮還作柳絲長

又昨日得家報杜子漸開連日少需多時當年未有後賢能安讓寺諸君亦不果來堂杜丹苗不住為誤耶因取來韻為牡丹一語

抵恐牡丹留不住與君約束分明未開傲雨半開晴要花開定準又更與花盟 魏紫朝來將進酒玉盤盃樣先呈鞞紅似向舞腰橫風流人不見錦繡夜間行

又

老去渾身無著處天教只住山林百年光景百年心更歡須歎息無病也呻吟 試向浮瓜沉李處清風散髮披襟莫嫌淺後更頻斟要他詩句好須是酒盃淡

又停至偶作

偶向停雲堂上坐曉猿夜鶴驚猜主人何事太
塵埃低頭選說向被召又重來 多謝北山
下老殷勤一語佳哉借君竹杖與芒鞋徑須從
此去淡入白雲堆

蝶戀花

和趙景明
知縣韻

老去怕尋年少伴画棟朱簾風月無人管公子
看花朱碧亂新詞攪斷相思怨 涼夜愁腸千
百轉一雁西風錦字何時遣畢竟啼烏才息短
喚回曉夢天涯遠

又

和楊濟翁韻首句
用丘宗卿書中語

檢點笙歌多釀酒蝴蝶西園暖日明花柳醉倒
東風眠畫錦覺來小院重攜手 可惜春殘風
又雨收拾情懷開把詩偈憇楊柳人見離別後
腰肢近日和他瘦

又

和楊濟翁韻後句
前伯知縣歸京口

淚眼送君傾似雨不折垂楊只倩愁隨去有底

風光畱不住煙波萬頃春江曠 老馬臨流疑
不渡應憺障泥忘了尋春路身在稼軒安穩處
書來不用多行數

又席上贈楊
濟翁侍兒

小年華才月半羅幕春風幸自無人見剛道
羞郎低粉面傷人瞥見回嬌盼 昨夜西池陪
女伴柳困花慵見說歸來晚勸客持觴渾未慣
未歌先覺花頭顫

又用趙文均提舉送李正
之提刑韻送鄭元英

莫向樓頭聽漏點說與行人默默情千萬總是
離愁無近遠人間兒女空悲怨 錦繡心胸水
雲面舊日詩名曾道空梁燕傾蓋未償平日願
一盃早唱陽關勸

又燕語鶯啼人乍
遠之句用爲首句

燕語鶯啼人乍遠却恨西園依舊鶯和燕笑語
十分愁一半翠圍特地春光暖 只道書來無

過雁不道柔腸近日無腸斷
玉莫搖湘淚點
怕君喚作秋風扇

又 送祐之弟

衰艸斜陽三萬頃
不算飄零天外孤鴻影
幾許淒涼須痛飲
行人自向江頭醒
會少離多看兩鬢
萬縷千絲何況新來病
不是離愁難整頓
被他引惹其他恨

又 元日立春

誰向椒盤簪綵勝
整整韶華爭上春風鬢
往日不堪重記省
為花常把新春恨
春未來時先借問
晚恨開遲早又飄零
近今歲花期消息定
只愁風雨無憑準

又 月下醉書石浪

九畹芳菲蘭佩好
空谷無人自怨蛾眉巧
寶瑟冷冷千古調
朱絲絃斷知音少
冉冉年華吾自老
水滿汀洲何處尋
芳艸喚起湘纍歌未了

石龍舞罷松風曉

又 州前韻 送人行

意態慙生元自好
學画鴉兒舊日偏他巧
蜂蝶不禁花引調
西園人去春風少
春色無情秋又老
誰管閒愁千里青青艸
今夜情簪黃菊了
斷腸明日霜天曉

又

洗盡機心隨法喜
看取尊前秋息如春意
誰與先生寬髮齒
醉時惟有歌而已
歲月何須溪上記
千古黃花自有淵明比
高臥石龍呼不起
微風不動天如醉

又

何物能令公怒喜
山要人來人耍山無意
恰似哀箏絃下齒
千情萬意無時已
自耍溪堂鞞作記
今代雲梯好語花難比
老眼狂花空亂處
銀鈎未見心先醉

小重山 席上和人韻

旋製雜歌唱未成陽關先画出柳邊亭
中年懷抱管絃聲難忘處風月此時情
夜雨芙蓉誰聽儘教清夢去兩三程
商壘詩價重連城相如老漢殿舊知名

又 三山與客

綠漲連雲翠拂空十分風月處著衰翁
垂楊影斷岸西東君恩重教且種芙蓉
十里水晶宮有時騎馬去笑兒童殷勤
却謝打頭風船兒住且醉浪花中

又 詞

倩得薰風染綠衣國香收不起透水肌
畧開夢箇未多時窗兒外却早被人知
越憎越嬌癡一枝雲鬢上那人宜莫將
他去比茶蘼分明是他更韻夢兒

南鄉子

隔戶語春鶯纔掛簾兒歛袂行漸見
凌波羅鞵步盈盈隨笑隨顰百媚生
者意聽新聲盡是司空自教成
今夜酒腸難道窄多情莫放紗籠蠟炬明

又 舟中

歌枕觸聲邊貪聽啞聒醉眠夢裏笙歌
花底去依然翠袖盈盈在眼前
別後兩眉尖欲說還休夢已闌
只記埋冤前夜月相看不管人愁獨自圓

又 慶前同周氏旌表

無處著風光天上飛來詔十行
父老歡呼童穉舞前岡千載周家孝義鄉
艸木盡芬芳更覺溪頭水也香
我道烏頭門側畔諸郎準備他年畫錦堂

又 送趙國直赴高安戶曹

日日老萊衣更解解風流蠟鳳嬉
膝上放教文度

去頭知要使人看玉樹枝 判記乃會詩綠水
紅蓮覓舊題歸騎春衫花滿路相期來歲流觴
曲水時

又 查京口北固亭有樓

何處望神州滿眼風光北固樓千古興亡多少
事悠悠不盡長江滾滾流 年少萬兜鍪坐斷
東南戰未休天下英雄誰敵手曹劉生子當如
孫仲謀

鷓鴣天 雜興 別司馬漢章大監

聚散匆匆不偶然三年歷遍楚山川但將痛飲
酬風月莫放離歌入管絃 紫綠帶點青錢東
湖春水碧連天明朝放我東歸去後夜相思月
滿船

又 和張子志提舉

別後誰成白髮新空教兒女笑陳人醉尋夜雨
旗亭酒夢斷東風卷路塵 騎驥駟荷青雲看

公冠佩玉階春忠言句句唐虞際便是人間要
路津

又

樽俎風流有幾人當年未遇已心親金陵種柳
歡娛地庾嶺逢梅寂寞濱 樽似海筆如神故
人南北一緞春玉人好把新粧樣淡畫眉淺
注唇

又 代人賦

晚日寒鴉一片愁柳塘新綠却溫柔若教眼底
無離恨不信人間有白頭 暘已斷淚難收相
思重上小紅樓情知已被雲遮斷頻倚闌干不
自由

又

陌上柔桑破嫩芽東隣蠶種已生芽平岡細艸
鳴黃犢斜日寒林點暮鴉 山遠迤路橫斜青
旗沽酒有人家城中桃李愁風雨春在溪頭薺

菜花

又

撲面征塵去路遙香篝漸覺水沉銷山無重數
週遭碧花不知名分外嬌人歷歷馬蕭蕭旌
旗又過小紅橋愁邊剩有相思句搖斷吟鞭碧

玉梢

又

唱徹陽關淚未乾功名餘事且加餐浮天水送
無窮樹帶雨雲埋一半山今古恨幾千般只
今離合是悲歡江頭未是風波惡別有人間行

路難

又 魏朝

一榻清風殿影涼洎洎流水響回廊千章雲木
鈎轉叫十里溪風穩極香衝急雨趁斜陽山
圍細路轉微茫倦途却被行人笑只爲林泉有
底忙

又 楊詞歸

病起作

枕簟溪堂冷欲秋斷雲依水晚來收紅蓮相倚
渾如醉白鳥無言定自愁書咄咄且休休一
丘一壑也風流不知筋力衰多少但覺新來懶
上樓

又

指點芳尊特地開風帆莫引酒船回方驚笑折
津頭柳却喜重尋嶺上梅催月上喚風來莫
愁瓶罄恥金罍只愁画角樓頭起急管哀絃次
第催

又

著意尋梅懶便回何如信步兩三盃山繞好處
行還倦詩未成時雨早催攜竹杖曳芒鞋朱
朱粉粉野蒿開誰家寒食歸寧女笑語柔桑陌
上來

又

翠木千尋上蔭蘿東湖經雨又增波只因買得
青山好却恨歸來白髮多 明画燭洗金荷至
人起舞客高歌醉中只恨欲娛少無奈明朝酒

醒何

又

困不成眠奈夜何情知歸未轉愁多暗將往事
思量遍誰把多情惱亂他 夢底事誤人多不
成真箇不思家嬌癡却妒香香睡喚起醒鬆說

夢步

又 鄭子厚席上謝
李伯山出其韻

夢斷京華故倦游只今芳艸替人愁陽關莫作
三疊唱越女應須為我留 香逸韻自名流青
衫司馬且江州君家兄弟真堪笑箇箇能修五

鳳樓

又 和人韻
有所贈

趁得西風汗漫游見他歌後怎生愁事如芳艸

春長在人似浮雲影不留 肩僦歛眼波流十
年薄倖說揚州明朝短棹輕衫夢只在溪南看
画樓

又 徐師仲換韻
應禁不交

千丈陰崖百丈溪孤桐枝上鳳偏宜玉香落落
雖難合橫理庚庚定自奇 山谷聽梅說歌云
立號庚庚有橫理 人
散後月明時試彈幽憤淚空垂不如却付騷人
手雷和南風解慍詩

又 用前韻和趙文
鼎提舉賦雪

莫上扁舟訪剡溪淺斟低唱正相宜從教夫吠
千家白且與梅成一段奇 香暖處酒醒時画
簷玉筋已偷垂笑君解釋春風恨倩佛蠻兒只
費詩

又 重九
席上

戲馬臺前秋雁飛管絃歌舞夏旌旗要知黃菊
清高處不入當年二謝詩 傾白酒遶東籬只

於陶令有心期明朝九日渾瀟灑莫使算前欠

一枝

又

有甚閒愁可皺眉老懷無緒自傷悲百年旋逐
花陰轉萬事長看鬢髮知 溪上枕竹間棋怕
尋酒伴懶吟詩十分筋力誇彊健只比年時病

起時

又送范先之秋試

白苧新袍入嫩涼春蠶食葉響迴廊禹門已準
桃花浪月殿先收桂子香 鵬北海鳳朝陽又
攜書劍路茫茫明年此日青雲上却笑人間舉

子忙

又

一夜清霜變鬢絲怕愁剛把酒禁持玉人今夜
相思不想見賴將翠枕移 眞箇恨未多時也
應香雪滅夢兒菱花照面須頰記曾道偏宜淺

画眉

又送歐陽國瑞入吳中

莫避春陰上馬遲春來未有不陰時人情懷轉
閒中看客路崎嶇倦後知 梅似雪柳如絲試
聽別語慰相思短篷炊飯鱸魚熟除却松江枉
費詩

又

木落山高一夜霜北風驅雁又離行無言每覺
情懷好不飲能令興味長 頓聚散試息量爲
誰春艸夢池塘中年長作東山恨莫遣離歌苦
斷腸

又席上再用韻

水底明霞十頃光天教鋪錦觀鶯鶯最憐楊柳
如張緒却笑蓮花似六郎 方竹簾小胡牀晚
來消得許多涼背人白鳥都飛去落日殘鴉更
斷腸

又石門道中

山上飛泉萬斛珠懸崖千丈落颺已通樵
運行還碍似有人聲聽却無聞畧約遠浮屠
溪南修竹有茅廬莫嫌杖屨頻來往此地偏
宜著老夫

又做熱雨賦梅雨

漠漠輕陰撥不開江南細雨熟黃梅有情無
道東邊日已怒重驚忽地雷雲柱礎水接臺
羅衣費盡博山灰當時一識和羹味便道爲
霖消息來

又黃沙道中即事

句裏春風正剪裁溪山一片畫圖開輕鷗自
趁虛船去荒犬還迎野婦回松共竹翠成堆
要擎殘雪鬪疎梅亂鴉畢竟無才思時把瓊
瑤蹴下來

又元溪不兒梅

千丈冰溪百步雷柴門都向水邊開亂雲
臙帶

炊煙去野水閒將日影來穿窈窕過崔嵬
東

林試問幾時栽動搖意態雖多竹點綴風
流却

欠梅

又戲題村舍

鷄鴨成群晚未收桑麻長過屋山頭有何
不可

吾方羨要底都無飽便休新柳樹舊沙洲
去

年溪打却邊流自言此地生兒女不嫁余
家即

聘周

又春日即事題毛村酒壚

春日平原蒿菜花新耕雨後落群鴉多情
白髮

春無奈晚日青帘酒易賒聞意態細生
涯牛

欄西畔有桑麻青侶縞快誰家女去趁
蠶生看

外家

又睡起即事

水荇參差動綠波一池蛇影噤群蛙因風
野鶴

飢猶舞積雨山樞病不花 名利處戰爭多門
前蠻觸日干戈不知夏有槐安國夢覺南柯日
未科

又

石壁虛雲積漸高溪聲遠屋幾週遭自從一雨
花零落却愛微風艸動搖 呼玉友薦溪毛股
勤野老著相邀杖藜忽避行人去認是翁來却

過橋

又

元高之
歸隱章
歌枕婆娑兩鬢霜起聽簷溜碎喧江那邊玉筋
銷啼粉道裏車輪轉別腸 詩酒社水雲鄉可
看醉墨幾淋浪画圖却似歸家夢千里河山寸

許長

又

尋菊正無
有佳作
掩鼻人間臭腐腸古今惟有酒偏香自從來住
雲煙畔直到而今歌舞忙 呼老伴共秋光黃

花何處避重陽要知爛熳開時節直待西風一
夜霜

又 席上吳子似諸友
見和再用韻答之

翰墨諸公久擅場胸中書傳許多香都無絲竹
啣盃樂却有龍蛇落筆忙 閒意思老風光酒
徒今有幾高陽黃花不怯西風冷只怕詩人兩
鬢霜

又

自古高人最可嗟只因疎懶取名多居山一似
庚桑楚種樹真成郭橐駝 雲子飯水晶瓜林
間攜客夏烹茶君歸休矣吾忙甚要看蜂兒晚
趁衙

又 三山
題字

拋却山中詩酒窠却來官府聽笙歌聞愁做弄
天來大白髮栽培日許多 新劒戰舊風波天
生子懶奈子何此身已覺渾無事却教兒童莫

恁麼

又

點盡蒼苔色欲空竹籬茅舍要詩翁花餘歌舞
歡娛外詩在經營慘澹中 聽軟語笑衰容一
枝斜墜翠鬟鬆淺顰淡笑誰看醉看取瀟然林

下風

又

此詞觀賦梅三山梅開時猶有青葉子時落齒

病繞梅花酒不空齒牙牢在莫欺翁恨無飛雪

青松畔却放疎花翠葉中 水作骨玉為容當

年官額鬢雲鬆直須爛熳燒銀燭橫笛難看一

夜風

又

桃李漫山過眼空也宜惱損杜陵翁若將玉骨

水姿比李蔡為人任下中 尋驛使寄芳容籠

頭休放馬蹄鬆吾家籬落黃昏後剩有西湖處

士風

又

或有感

出處從來自不齊後車方載太公歸誰知寂寞
空山裏却有高人賦采薇 黃菊嫩晚香枝一
般同是采花時蜂兒辛苦多官府蝴蝶花間自
在飛

又

讀蘇明詩不能去手戲作小詞以送之

晚歲躬耕不怨貧隻雞斗酒聚比隣都無晉宋
之間事自是羲皇以上人 千載後百篇存夏
無一字不清真若教王謝諸郎在未抵柴桑陌
上塵

又

髮底青青無限春殘紅飛雪護紛紛黃花也伴
秋光老何以尊前見在身 書萬卷筆如神眼
看同輩上青雲箇中不許兒童會只恐功名更
過人

又

戊午復職家詞之命

老退何曾說著官今朝放罪上恩寬便支香火
真祠奉夏綴文書舊殿班 扶病腳洗衰顏快
從老病偕衣冠此身忘世渾容易使世相忘却
自難

又和趙晉臣
數文韻

綠鬢都無白髮侵醉時拈筆越精神愛將蕪語
追前事夏把梅花比那人 回急雪過行雲近
時歌舞舊時情君侯要識誰輕重看取金盃幾
許淡

又和傅先之
提舉曠雪

泉上長吟我獨清喜君未共雪爭明已驚並水
鷗無色夏怪行沙蟹有聲 添爽氣動雄容奇
因六出憶陳平却嫌鳥雀投林去觸破當樓雲
母屏

又梅山
寺作

不向長安路上行却教山寺厭逢迎味無味處

求吾樂材不村間過此生 寧作我豈其卿人
間走遍却歸耕一松一竹真朋友山鳥山花好
弟兄

又不
家

老病那堪歲月侵霎時光景值千金一生不負
溪山債百藥難醫書史淫 隨巧拙任浮沉人
無同處面如心不妨舊事從頭記要寫行藏入
笑林

又有客慨然話功名因
追念少年時事戲作

壯歲旌旗擁萬夫錦襜突騎渡江初燕兵夜唳
銀胡靷漢箭朝飛金僕姑 追往事歎今
吾春風不染白髭鬚却將萬字平戎策換得東
家種樹書

又祝良顯家
牡丹一本

占斷雕欄只一株春風費盡幾工夫天香夜染
衣猶溼國色朝酣醉未蘇 嬌欲語巧相扶不

妨老幹自扶疎恰如翠幙高堂上來看紅衫百

子圖

又賦牡丹主人以
謝花翁賦解朝

翠蓋牙籤數百株楊家姊妹夜游初五花結隊
香如霧一朶傾城醉未蘇 閒小立困相扶夜
來風雨有情無愁紅慘綠今宵看恰似吳宮教

陣圖

又再
賦

濃紫淡黃一畫圖中間更有玉盤盃先裁翡翠
裝成蓋更點胭脂染透酥 香漱灑錦模糊至
人長得醉工夫莫攜弄玉欄邊去羞得花枝一

朶無

又

去歲花枝把酒盃雪中曾見牡丹開而今執扇
薰風裏又見疎枝月下梅 歡幾許醉方回明
朝歸路有誰催低聲待向他家道帶得歌聲滿

耳來

又壽吳子似縣尉
時攝事城中

上巳風光好放懷故人猶未看花回茂林映帶
誰家竹曲水流傳第幾盃 攜錦繡寫瓊瑰長
年富貴屬多才要知此日生男好曾有周公祓
禊來

又寄葉
仲洽

是處移花是處開古今興廢幾池臺背人翠羽
偷魚去抱藥黃鬚趁蝶來 掀老甕撥新醅客
來且盡兩三盃日高盤饌供何晚市遠魚鮓買
未回

又登一丘一
壑偶成

莫帶春光花下遊便須準備落花愁百年雨打
風吹却萬事三平二滿休 將擾擾付悠悠此
生於世百無憂新愁次第相拋舍要伴春歸天
盡頭

又和吳子
山行韻

誰笑春光管日華朱朱粉粉野蒿花閒愁投老
無多子酒病而今較減步 山遠近路橫斜正
無聊處管絃諱去年醉後猶能記細數溪邊第
幾家

又過峽石用韻
答吳子似

歎息頻年廢未高新詞空賀此丘遭遙知醉帽
時時落見說吟鞭步步搖 乾玉唾禿錐毛只
今明月費招邀最憐烏鵲南飛句不解風流見

二喬

又吳子似
過秋水

秋水長麻水石間有誰來笑聽潺潺羨君人物
東西晉分我詩名大小山 窮自樂晚方聞人
間路窄酒盃寬看君不了癡兒事又似風流靖
長官

又和章泉
趙昌父

萬事紛紛一笑中淵明把菊對秋風細看爽氣

今猶在惟有南山一似翁 情未好語言工三

賢高致古來同誰知止酒停雲老獨立斜陽數

過鴻

瑞鷓鴣 京口有懷
山中故人

算年不賦短長詞和得淵明數首詩君自不歸

歸甚易今猶未足足何時 偷閒定向山中老

此意須教鶴輩知聞道只今秋水上故人曾榜

北山移

又京口病中起登
連倉觀偶成

聲名少日畏人知老去行藏與願違山艸舊曾

呼遠志故人今有寄當歸 何人可覓安心法

有客來觀杜德機却笑使君那得似清江萬頃

白鷗飛

又

膠膠擾擾幾時休一出山來不自由秋水觀中

秋月夜停雲堂下菊花秋 隨緣道理應須會
過分功名莫強求先自一身愁不了那堪愁上
更添愁

又

乙丑奉祠歸舟次餘干賦

江頭日日打頭風憔悴歸來那曼容鄭賈正應
求死鼠葉公豈是好真龍 孰居無事陪犀首
未辨求封遇萬松却笑千年曹孟德夢中相對
也龍鍾

又

期思溪上日千回樟木橋邊酒數盃人影不隨
流水去醉顏重帶少年來 疎蟬響澀林逾靜
冷蝶飛輕菊半開不是長卿終慢世只緣多病
又非才

稼軒詞卷第四

玉樓春 席上贈別
上饒黃仲

往年龍從堂前路
路上人誇通判雨
去年拄杖過瓢泉
縣吏垂頭民歎語
學窺聖處文章古
清到窮時風味苦
算前老淚不成行
明日送君天上去

又 效白樂天體

少年才把笙歌醜
夏日非長愁夜短
因他老病不相饒
把好心情都做懶
故人別後書來勸
乍可停盃彊喫飯
云何相見酒邊時
却道達人須飲滿

又 用韻會
葉仲洽

狂歌擊碎村醪醜
欲舞還憐衫袖短
心如溪上釣磯閒
身似道旁官候爛
山中有酒提壺勸
好語憐君堪鮓飯
至今有句落人間
渭水秋風黃葉滿

又 用韻會
吳子似

君如九醞臺粘醜
我似茅柴風味短
幾時秋水美人來
長恐扁舟乘興懶
高懷自飲無人勸
馬有青芻奴白飯
向來珠履玉簪人
頗覺酒壘車載滿

又 客有遊山者忘攜具而以詞來病不往索酒用韻以會余時以病不往

山行日日妨風雨
風雨晴時君不去
牆頭塵滿短轅車
門外人行芳艸路
城南東野應聯句
好記琅玕題字處
也應竹裏著行廚
已向甕邊防吏部

又 再和

人間反覆成雲雨
鳧雁江湖來又去
十千一斗飲中仙
一百八盤天上路
舊時楓落吳江句
今日錦囊無著處
看封關外水雲侯
剩接山中詩酒部

又 歲賦雲山

何人半夜推山去四面浮雲猜是汝當時相對
兩三峰走遍溪頭無覓處 西風督起雲橫度
忽見東南天一柱老僧拍手笑相夸且喜青山
依舊住

望龍山夏在雲煙遮斷處 息置落帽人風度
休說當年功紀柱謝公直是愛東山畢竟東山
畱不住

又 用韻會傳歲時
葉仲洽題圖典

青山不解乘雲去怕有愚公驚著汝人間踏地
出租錢僭使移將無著處 三星昨夜光移度
妙語來題橋上柱黃花不插滿頭歸定向白雲
遮且住

風前欲勸春光住春在城南芳艸路未隨流落
水邊花且作飄零泥上絮 鏡中已有星星誤
人不負春春自負夢回人遠許多愁只在梨花
風雨處

又

又

無心雲自來還去元共青山相爾汝霎時迎雨
障崔嵬雨過却尋歸路處 侵天翠竹何曾度
遙見屹然星砥柱今朝不啻亂雲淡來伴仙翁
烏檣樹

三三兩兩誰家婦聽取鳴禽枝上語提壺沽酒
已多時婆餅焦時須早去 醉中忘却來時路
借問行人家住處只尋古廟那邊行更過溪南

山下住

又 寄題文山鄴
元美集徑樓

又

瘦筇倦作登高去却把黃花相爾汝嶺頭拭目

悠悠莫向文山去要把襟裾牛馬汝遙知書帶
艸邊行正在雀羅門裏住 平生插架昌黎句

不似拾柴東野苦侵天且擬鳳凰巢掃地從他

鵲舞

又樂令謂衛玠人未嘗夢鴛鴦餐鐵杵乘車入鼠穴以謂世無是事而有是理樂所謂無猶云有也

戲作戲語以明之

有無一理誰差別樂令區區猶未達事言無處

未嘗無試把所無憑理說 伯夷飢采西山蕨

何異搗薑餐杵鐵仲尼去衛又之陳此是垂車

穿鼠穴

又滌湖戲作

客來底事逢迎晚行裏鳴禽尋未見日高猶苦

聖賢心門外誰耐蟹觸戰 多方爲渴泉尋偏

何日成陰松種滿不辭長向水雲來只怕頻頻

魚鳥倦

又有自九江以石作觀音像持送者因以詞賦之

琵琶亭畔多芳艸時對香爐峰一笑偶然重傷

玉溪行不是白頭誰覺老 普陀大士神通妙

影入石頭光了了看來將獻可無言長似慈悲

顏色好

又乙丑京口奉酬西歸將至仙仗晚

江頭一帶斜陽樹總是六朝人住處悠悠典廢

不關心惟有沙洲雙白鷺 仙人磯下多風雨

好卸征帆畱不住直須抖擻盡塵埃却趁新涼

秋水去

鵲橋仙 爲人慶八十席上戲作

朱顏量酒方瞳點漆閒傍松邊倚杖不須更展

畫圖看是箇壽星的模樣 今朝盛事一

盃淡勸夏把新詞齊唱人問八十最風流長貼

在兒孫頌上

又和范先之送祐之弟歸浮梁

小窗風雨從今便憶中夜笑談清軟啼鴉衰柳

自無聊更管得離人腸斷 詩書事業猶在青

瓊頭上貂蟬會見莫貪風月臥江湖道日近長

安路遠

又壽徐伯
融容院

采冠風采繡衣聲價曾把經綸少試看看有詔
日邊來便入侍明光殿裏 東君未老花開柳
媚且引玉觥沉醉好將三萬六千場自今日從
頭數起

又已酉山行
書所見

松岡避暑荷簷避雨閒去閒來幾度醉扶怪石
看飛泉又却是前回醒處 東家娶婦西家歸
女燈火門前笑語釀成千頃稻花香夜夜費一

天風露

又慶岳母
八十

八旬慶會人間盛事齊勸一盃春釀臙脂小字
點眉間猶記得舊時宮樣 綵衣更著功名富
貴直過太公以上大家著意記新詞遇著箇十
年便唱

又贈習
瑞

溪邊白鷺來吾告汝溪裏魚兒堪數主憐汝汝
又憐魚要物我欣然一處 白沙遠浦青泥別渚
剩有鰕跳鯁舞聽君飛去飽時來看頭上風吹
一縷

又麻上和趙
晉臣數文

少年風月少年歌舞老去方知堪羨歎折腰五
斗賦歸來問走了羊腸幾遍 高車駟馬金章
紫綬傳語渠儂穩便問東湖帶得幾多春且看
凌雲筆健

西江月 采石岸戲
作漁父詞

千丈懸崖削翠一川落日鎔金白鷗來往本無
心選甚風波一任 別浦魚肥堪膾前村酒美
重樹千年往事已沉沉閒管興亡則甚

又壽范商
伯知縣

秀骨青松不老新詞玉佩相磨靈槎擬泛銀

河刺摘天星幾箇

商伯去歲七月生子

窠枕樓頭風月駐

春亭上笙歌畱君一醉意如何金印明年斗大

又和楊民瞻賦丹桂韻

宮粉厭淦嬌額濃粧再厭秋花西真人醉憶仙

家飛珮丹霞羽化十里芬芳未足一亭風露

先加杏腮桃臉費鉛華終慣秋蟾影下

又癸丑正月四日三山破召晉從建安帝上和陳安行舍人韻

風月亭危致爽管絃聲脆休催主人只是舊情

懷錦瑟傷邊須醉玉殿何曾儂去沙堤正要

公來看看紅藥又翻階趁取西湖春會

又用韻和季兼濟懷藥

且對東君痛飲莫教華髮空催瓊瑰千字已盈

懷消得津頭一醉休唱陽關別去只今鳳詔

歸來五雲兩兩望三台已覺精神聚會

又三山作

貪數明朝重九不知過了中秋人生有得許多

愁只有黃花如舊萬象亭中罨酒九仙閣上

扶頭城鴉喚我醉歸休細雨斜風時候

又夜行黃沙道中

明月別枝驚鵲清風半夜鳴蟬稻花香裏說豐

年聽取蛙聲一片七八箇星天外兩三點雨

山前舊時茆店社林邊路轉溪橋忽見

又春曉

曠欲讀書已懶只今多病長閒聽風聽雨小窗

眠過了春光太半往事數尋去鳥消愁難解

連環流鶯不肯入西園喚起画梁飛燕

又木犀

金粟如來出世藥宮仙子乘風清香一袖意無

窮洗盡塵緣千種長爲西風作主夏居明月

光中十分秋意與玲瓏拚却今宵無夢

又壽祐之弟時新居落成

画棟新垂簾幙華燈未放笙歌一盃漱灑泛金

波先向大夫稱賀 富貴無應自有功名不用
渠多只將綠鬢抵養娥金印須教斗大

又述

醉裏且貪歡笑要恣那辭工夫近來始覺古人
書信著全無是處 昨夜松邊醉倒問松我醉
何如只疑松動要來扶以手推松曰去

又和趙晉臣數文
賦扶水瀑泉

八萬四千偈后更誰妙語披襟紉蘭結佩有同
心喚取詩翁來飲 鏤玉裁冰著句高山流水
知音胸中不受一塵侵却怕靈均獨醒

又悠然
關

一柱中擎遠碧兩峰旁聳高寒橫陳削盡短長
山莫把一分增減 我望雲煙目斷人言風景
天慳被公詩筆盡追還重上層梯一覽

又示兒曹以
家事付之

萬事雲煙忽過百年蒲柳先衰而今何事最相

宜宜醉宜遊宜睡 早起催科了納夏糧出入
收支迺翁依舊管管兒管竹管山管水

又

粉面都成醉夢霜髯能幾春秋來時送我半
愁一見算前似舊 詩在陰何側畔字居羅趙
前頭錦囊來往幾時休已遣蛾眉等候

朝中措 醉歸誌
之弟

藍輿嫋嫋破重岡玉笛兩紅粧這裏都愁酒盡
那邊正和詩忙 為誰醉倒為誰歸去都莫思
量白水東邊籬落斜陽欲下牛羊

又

夜溪殘月過山房睡覺北窗涼起遠中庭獨步
一天星斗文章 朝來客話山林鍾鼎那處難
忘君向沙頭細問白鷗知我行藏

又為人
壽

年年黃菊艷秋風更有拒霜紅黃似舊時宮額

紅如此日芳容 青青未老算前頭看兒輩平
戎試釀西江爲壽西江綠水無窮

又

年年金蕊艷西風人與菊花同霜鬢經春重綠
仙姿不飲長紅 焚香度日儘從容笑語調兒
童一歲一盃爲壽從今更數千鍾

又

九日小集時揚
世長將赴南宮

年年團扇怨秋風愁絕玉盃空山下臥龍丰度
臺前戲馬英雄 而今休也花殘一似人老花
同莫怪東籬韻減只今丹桂香濃

清平樂

博山道
中即事

柳邊飛鞋霧溼征衣重宿鷺窺沙孤影動應有
魚輟入夢 一川明月疎星浣沙人影娉婷笑
背行人歸去門前稚子啼聲

又

茅簷低小溪上青青艸醉裏吳音相媚好白髮

誰家翁媪 大兒鋤豆溪東中兒正織雞籠最
喜小兒亡賴溪頭看剝蓮蓬

又

獨宿博山
王氏卷

遶牀飢鼠蝙蝠翻燈舞屋上松風吹急雨破紙
窗間自語 平生塞北江南歸來華髮蒼顏布
被秋宵夢覺眼前萬里江山

又

檢校山園
書所見

連雲松竹萬事從今足拄杖東家分社肉白酒
牀頭初熟 西風梨棗山園兒童偷把長竿莫
遣旁人驚去老夫靜處閒看

又

斷崖松竹竹裏藏水玉路轉清溪三百曲香滿
黃昏雪屋 行人繫馬疎籬折殘猶有高枝畱
得東風數點只綠嬌嫩春遲

又

爲兒鐵
仕作

靈皇醮罷福祿都來也試引鴟鵂花樹下斷了

驚鷺怕怕 從今日日聰明更有潭妹嵩兄看
取辛家鐵柱無災無難公卿

又本

月明秋曉翠蓋團團好碎剪黃金數恁小都著
葉兒遮了 打來休似年時小窗能有高低無
頓許多香處只消三兩枝兒

又再賦

東園向曉陣陣西風好喚起仙人金小小翠羽
玲瓏裝了 一枝枕畔聞時羅幃翠幙垂低恁
地十分遮護打窗早有蜂兒

又德吳江言本至

少年痛飲憶向吳江醒明月團團高樹影十里
水沉煙冷 大都一點宮黃人聞直恁芬芳怕
是秋天風露染教世界都香

又壽信午王道夫

此身長健還却功名願枉讀平生三萬卷滿酌

金盃聽勸 男兒玉帶金魚能消幾許詩書料
得今宵醉也兩行紅袖爭扶

又壽趙民則提刑時新除且素不喜飲

詩書萬卷合上明光殿案上文書看來遍肩裏
陰功早見 十分竹瘦松堅看君自是長年若
解算前痛飲精神便是神仙

又題上盧檢

清泉奔快不啻青山疑十里盤盤平世界更著
溪山縹帶 古今陵谷茫茫市朝往往耕桑此
地居然形勝似曾小小興亡

又

清詞索笑莫厭銀盃小應是天孫新與巧剪恨
裁愁句好 有人夢斷關河小窗日飲亡何想
見重簾不捲淚痕滴盡相娥

又壽趙昌甫時僕以病止酒昌甫作詩數篇未及之

雲煙艸樹山北山南雨溪上行人相背去惟有

啼鴉一處 門前萬斛春寒梅花可憐摧殘使
我長忘酒易要君不作詩難

又書王給由
主簿翰

溪回沙淺紅杏都開遍鴻鵠不知春水煖偷偷
垂楊春岸 片帆千里輕船行人想見軟眠誰
似先生高舉一行白鷺青天

好事近

中秋與上
和王路鈴

明月到今宵長是不知人約想見廣寒宮殿正
雲梳風掠 夜淡休更喚笙歌簷頭雨聲惡不
是小山詞就這一場寥索

又送李復州致
一席上和韻

和淚唱陽關依舊字嬌聲穩回首長安何處怕
行人歸晚 垂楊折盡只啼鴉把離愁勾引却
笑遠山無數被行雲低損

又聯上和王道夫
賦元夕立春

絲勝鬪華燈平把東風吹却喚取雪中明月伴

使君行樂 紅旗鐵馬響春水老去此情薄惟
有前村梅在倩一枝隨著

又和城中
諸友韻

雲氣上林梢畢竟非空非色風景不隨人去到
而今畱得 老無情味到篇章詩債怕人索却
喜近來林下有許多詞客

菩薩蠻

金陵賞心亭
為葉丞相賦

青山欲笑高人語聯翩萬馬來無數煙雨却低
回望來終不來 人言頭上髮總向愁中白拍
手笑沙鷗一身都是愁

又用前
韻

錦書誰寄相思語天邊數徧飛鴻數一夜夢千
回梅花入夢來 漲痕紛樹髮霜落瀟湘白心
事莫驚鷗人間千萬愁

又

江山病眼昏如霧送愁直到津頭路歸念樂天

詩人生足別離 雲屏淡夜語夢到君知否玉
筋莫偷垂斷腸天不知

又書江西
造口壁

鬱孤臺下清江水中間多少行人淚西北是長
安可憐無數山 青山遮不住畢竟東流去江
晚正愁余山淡開鷓鴣

又

西風都是行人恨馬頭漸喜歸期近試上小紅
樓飛鴻字字愁 闌干閒倚處一帶山無數不
似遠山橫秋波相共明

又

功名飽聽兒童說看公兩眼明如月萬里勒燕
然老人書一編 玉階方寸地好趁風雲會他
日赤松游依然萬戶侯

又送給之弟
歸浮梁

無情最是江頭柳長條折盡還依舊木葉下平

湖雁來書有無 雁無書尚可好語憑誰和風
雨斷腸時小山生桂枝

又送鄭守厚
蕭起鬪

送君直上金鑾殿情知不久須相見一日甚三
秋愁來不自由 九重天一笑定是雷中了白
髮少經過此時愁奈何

又送曹君
之莊所

人間歲月堂堂去勸君快上青雲路堅處一燈
傳工夫螢雪邊 麴生風味惡辜負西窗約沙
岸片帆開寄書無雁來

又席上分賦
得櫻桃

香浮乳酪玻璃盃年年醉裏嘗新慣何物比春
風歌唇一點紅 江湖清夢斷翠籠明光殿萬
籟瀉輕勻低頭愧野人

又賦摘

阮琴斜挂香羅綬玉纖初試琵琶手桐葉雨聲

乾珍珠落玉盤
朱絃調未慣
笑倩東風伴
莫作別離聲
且聽雙鳳鳴

又雪樓賞牡丹席
上用楊民瞻韻

紅芽籤上群仙客
翠羅蓋底傾城色
和雨淚闌

千沉香亭北看
東風休放去
怕有流鶯訴試

問賞花人曉粧勻未勻

又和盛國
華提刑

旌旗依舊長亭路
算前試點鶯花數
何處捧心

顰人間別樣春
功名君自許
少日聞鷄舞詩

句到梅花春風十萬家

卜算子
尋春作

脩竹翠蘿寒
遲日江山暮
幽暎無人獨自芳
此

恨知無數
只共梅花語
懶逐遊絲去
著意尋

春不肯香
香在無尋處

又為入賦
荷花

紅粉靚梳粧
翠蓋低風雨
占斷人間六月涼
明

月鴛鴦浦
根底藕絲長
花裏蓮心苦
只為風流有許愁
愛襯佳入步

又開李正之
茶馬詩音

欲行且起行
欲坐重來坐
坐坐行行有倦時
更

枕閒書臥
病是近來身
嬾是從前我
淨掃瓢

泉竹樹陰且恁隨緣過

又飲

盜跖儻名丘
孔子如名跖
跖聖丘愚直到今
美

簡策寫虛名
螻蟻侵枯骨
千古光

陰一霎時且進盃中物

又用莊
語

一以我為牛
一以我為馬
人與之名受不辭
善

學莊周者
江海任虛舟
風雨從飄瓦
醉者乘

車墜不傷
全得於天也

又漫
興

夜雨醉瓜廬
春水行秧馬
點檢田間快活人
未

有如翁者 掃秃毫毫錐磨透銅臺瓦誰伴楊
雄作解朝烏有先生也

又

珠玉作泥沙山谷豐牛馬試上縈紫丘攏看誰
是疆梁者 水浸淺溪簷山壓高低瓦山水朝
來笑問人翁早歸來也

又

漢代李將軍奪得胡兒馬李蔡為人在下中却
是封侯者 芸艸去陳根篔竹添新瓦萬一朝
廷舉力田舍我其誰也

又 用韻會通晉阮敷文趙
有真得歸方是閑堂

百郡怯登車千里輸流馬乞得膠膠擾擾身却
笑區區者 野水玉鳴渠急雨珠跳瓦一榻清
風方是閒真是歸來也

又

萬里只浮雲一噴空凡馬歎息曹騎老驥詩伏

懶如公者 山鳥啁窺簷野鼠飢翻瓦老我癡
頑合住山此地菟裘也

又 菟
落

剛者不堅牢柔的難推挫不信張開口角看舌
在牙先墮 已闕兩邊廂又豁中間箇說與兒
曹莫笑翁狗竇從君過

又 飲酒
成病

一箇去學仙一箇去學佛仙飲千盃醉似泥皮
骨如金石 不飲便康彊佛壽須千百八十餘
年入涅槃且進盃中物

又 飲酒不
寫書

一飲動連宵一醉長三日廢盡寒溫不寫書富
貴何由得 請看塚中人塚似當時筆萬札千
言只急休且進盃中物

醜奴兒

醉中有歌此詩以
勸酒者無嫌其之

晚來雲淡秋光薄落日晴天落日晴天堂上風

斜画燭煙 從渠去買人間恨字字都圓字字
都圓腸斷西風十四絃

又

尋常中酒扶頭後歌舞支持歌舞支持誰把新
詞喚住伊 臨岐也有傷人笑笑已爭知笑已
爭知明月樓空燕子飛

又 書博山道中登

煙蕪露芰荒池柳洗雨烘晴洗雨烘晴一樣春
風幾樣青 提壺脫袴催歸去萬恨千情萬恨
千情各自無聊各自鳴

又

此生自斷天休問獨倚危樓獨倚危樓不信人
間別有愁 君來正是眠時節君且歸休君且
歸休說與西風一任秋

又

少年不識愁滋味愛上層樓愛上層樓爲賦新

詞彊說愁 而今識盡愁滋味欲說還休欲說
還休却道天涼好箇秋

又

近來愁似天來大誰解相憐誰解相憐又把愁
來做箇天 都將今古無窮事放在愁邊放在
愁邊却自移家向酒泉

又 和猛山味薄詞二首

鵝湖山下長亭路明月臨關明月臨關幾陣西
風落葉乾 新詞誰解裁冰雪筆墨生寒筆墨
生寒會說離愁千萬般

又

年年索盡梅花笑疎影黃昏香滿東
風月一痕 清詩冷落無人寄雪豔水魂雪豔
水魂浮玉溪頭煙樹村

浣溪沙 漫興

未到山前騎馬回風吹雨打已無梅共誰消遣

兩三盃 一似舊時春意思百無事處老形骸
也會頭上戴花來

又黃沙

寸步人間百十樓孤城春水一沙鷗天風吹樹
幾時休 突兀起人山石狠朦朧避路野花羞
人家平水願東頭

又壽內

壽酒同斟喜有餘朱顏却對白髭鬚兩人百歲
恰乘除 婚嫁刺添兒女拜平安頻拆外家書
年年堂上壽星圖

又壽內

新葺茆簷次第成青山恰對小窗橫去年曾共
燕經營 病却盃盤甘止酒老依香火苦翻經
夜來依舊管絃聲

又壬子春

細聽春山杜宇啼一聲聲是送行詩朝來白鳥

背人飛 對鄭子真崑石臥赴陶元亮菊花期
而今堪誦北山移

又常山道中即事

北隴田高踏水頻西溪禾早已嘗新隔牆沽酒
煮纖鱗 忽有微涼何處雨更無留影霎時雲
賣瓜人過竹邊村

又管杜叔高吳子似宿山寺戲作

花向今朝粉面勻柳因何事翠眉顰東風吹雨
細於塵 自笑好山如好色只今懷樹更懷人
閒愁閒恨一翻新

又

歌串如珠箇箇勻被花勾引笑和顰向來驚動
画梁塵 莫倚笙歌多樂事相看紅紫又拋人
舊巢還有燕泥新

又

父老爭言雨水勻眉頭不似去年顰殷勤耐却

甌中塵 啼鳥有時能勸客小桃無賴已撩人
梨花也作白頭新

又別杜叔高

這裏裁詩話別離那邊應是望歸期人言心急
馬行遲 去雁無憑傳錦字春泥抵死污人衣
海棠過了有荼蘼

又席上題雲山提幹賦溪臺如韻

臺倚崩崖玉滅痕青山却作捧心顰遠林煙火
幾家村 引入滄浪魚得計展成寥闊鷓能言
幾時高處見層軒

又

妙手都無斧鑿痕參佳處却成羣恰如春入
浣花村 筆墨今宵光有艷管絃從此情無言
主人席次兩眉軒

又種松未成

艸木於人也作疎秋來咫尺異榮枯空山歲晚

乾華余 孤竹君窮猶抱節赤松子嬾已生鬚
主人相愛肯畱無

又種梅

百世孤芳肯自媒直須詩句與推排不然喚起
酒邊來 自有陶潛方有菊若無和靖即無梅
祇今何處向人開

又別登上人併送性禪師

梅子生時到幾回桃花開後不須猜重來松竹
意徘徊 慣聽禽聲應可諳飽觀魚陣已能排
晚風挾雨喚歸來

山花子答傅京叟酬春之作

艷杏夭桃兩行排莫攜歌舞去相催次第未堪
侯醉眼去年栽 春意纔從梅裏過人情都向
柳邊來咫尺東家還又有海棠開

又用韻謝傅京叟雙瑞香之惠

句裏明珠字字排多情應也被春催怪得名花

和淚送雨中栽 赤脚未安芳斛穩娥眉早把
橋枝來報道錦薰籠底下麝臍開

又 三山 戲作

記得瓢泉快活時長年耽酒夏吟詩幕地捉將
來斷送老頭皮 遠屋人扶行不得開窗學得
鷓鴣啼却有杜鵑能勸道不如歸

又

日日閒看燕子飛舊巢新墨画簾低玉曆今朝
推戊己却啣泥 先自春光留不住那看夏著
子規啼一陣晚香吹不斷落花溪

又 與客賞山茶一 朵忽墮地戲作

酒面低迷翠被重黃昏院落月朦朧墮髻啼粧
孫壽醉泥秦宮 試問花畱春幾日畧無人管
雨和風簷向綠珠樓下見墜殘紅

又 簡傳 嘉慶

總把平生入醉鄉大都三萬六千場今古悠悠

多少事莫思量 微有夢雲春雨好夏無尋處
野花香年去年來還又笑燕飛忙

又 用前韻謝傅京 愛魏名花鮮華

楊柳溫柔是故鄉紛紛蜂蝶去年場大率一春
風雨事最難量 滿把攜來紅粉面堆盤夏覺
紫芝香幸自麴生閒去了又教忙 酒 繞止

又 病起獨 坐碎雲

疆欲加餐竟未佳只宜長伴病僧齋心似風吹
香篆過也無灰 山下朝來雲出岫隨風一去
未曾回次第前村行雨了合歸來

虞美人 賦茶 蔞

群花泣盡朝來露爭奈春歸去不知庭下有茶
蔞偷得十分春色怕春知 淡中有味清中賈
飛絮殘紅避露華微浸玉肌香恰似楊妃初試

出蘭湯

又 壽趙文 鼎提筆

翠屏羅幙遮前後舞袖翻長壽紫髯冠佩御爐
香看取明年歸奉萬年觴 今宵池上蟠桃席
咫尺長安日寶煙飛焰萬花濃試看中間白鶴
駕仙風

又用前
韻

一盃莫落他人後富貴功名壽胸中書傳有餘
香寫得亭小字記流觴 問誰分我漁樵席江
海清閒日看看天上拜恩濃却怕畫樓無處著

春風

又賦虞美
人神

當年得意如芳艸日日春風好拔山力盡忽悲
歌飲罷處兮從此奈君何 人間不識情誠苦
貪看青青舞鶴然歛袂却亭亭怕是曲中猶帶
楚歌聲

浪淘沙山寺夜
半聞鐘

身世酒盃中萬事皆空古來三五箇英雄雨打

風吹何處是漢殿秦宮 夢入少年叢歌舞匆
匆老僧夜半誤鳴鐘驚起西窗眠不得捲地西
風

又賦虞美
人神

不肯過江東玉帳匆匆只今艸木憶英雄唱著
虞兮當日曲便舞春風 兒女此情同往事朦
朧湘娥竹上淚痕濃舜目重瞳堪痛恨羽又重
瞳

又送吳子
似縣尉

金玉舊情懷風月追陪扁舟千里興佳哉不似
子猷行半路却棹船回 來歲菊花開記我清
盃西風雁過鎖山臺把似倩他書不到好與同
來

減字木蘭花宿僧房
有作

僧窗夜雨茶鼎熏爐宜小住却恨春風勾引詩
來惱殺翁 狂歌未可且把一算料理我找到

亡何却聽農家陌上歌

又

昨朝官告一百五年村父老
夏莫驚疑剛道人
生七十稀 使君喜見恰限
華堂開壽宴問壽
如何百代兒孫擁太婆

又

長沙道中壁上有人婦人題
字若有恨者用其意為賦

盈盈淚眼往日青樓天樣遠
秋月春花輪與尋
常姊妹家 水村山驛日算行
雲無氣力錦字
偷裁立盡西風雁不來

南歌子

山中
度坐

世事從頭滅秋懷徹底清
夜淡猶送枕邊聲試
問清溪底事未能平 月到愁邊
白雞先遠處
鳴是中無有利和名因甚
山前未曉有人行

又

獨坐
藤卷

玄入參同契禪依不二門
細看斜日隙中塵始
覺人間何處不紛紛 病笑春
先到閒知懶是

真百般啼鳥苦撩人除却提壺此外不堪聞

又

新開池
戲作

散髮披襟處浮瓜沉李時
涓涓流水細侵階鑿
箇池兒喚箇月兒來 画棟
頭搖動紅蕖盡倒
開關勻紅粉照香腮有箇
人人把箇鏡兒猜

醉太平

春景

態濃意遠眉顰笑淺薄羅衣窄絮風軟鬢雲欺
翠捲 南園花樹春光暖香徑裏榆錢滿欲上
鞦韆又驚懶且歸休怕晚

漁家傲

為余伯照院壽信之謔云水打
烏龜石三台出此時伯照舊居城
西直龜山之北溪水瀉山足矣意伯照
當之則伯照學道有新功一日語余云
溪上嘗得異石有文隱然如記姓名且
有長生等字余未之見也因共生胡姑
披二事為
詞以壽之

道德文章傳幾世到君合上三台位自是君家
門戶事當此際龜山正抱西江水 三萬六千
排日醉鬢毛只恁青青地江裏石頭爭獻瑞分

明是中間有箇長生字

錦帳春 杜叔高 席上

春色難留酒盃常淺夏舊恨新愁相間五更風
千里夢看飛紅幾片這般庭院 幾許風流幾
般嬌嬾問相見何如不見燕飛忙鶯語亂恨重
簾不捲翠屏平遠

太常引 建康中秋夜 為呂潛叔賦

一輪秋影轉金波飛鏡又重磨把酒問姮娥被
白髮欺人奈何 乘風好去長空萬里直下看
山河所去桂婆娑人道是清光更多

又 壽韓南 湖尚書

君王著意履聲間便合押紫宸班今代又尊韓
道吏部文章泰山 一盃千歲問公何事早伴
赤松閒功業後來看似江左風流謝安

又 賦十 四核

仙機似欲織纖羅髮髻度金梭無奈玉纖何却

彈作清商恨多 朱簾影裏如花半而絕勝隔

簾歌世路苦風波且痛飲公無渡河

又 壽通管 臣數文

論公耆德舊宗英吳季子百餘齡奉使老於行
夏看舞聽歌最精 須同衛武九十入相棠竹
自青青富貴出長生記門外清溪姓彭 彭溪置 臣居也

東坡引 閩 怨

玉纖彈舊怨還敲繡屏面清歌自送西風雁雁
行吹字斷雁行吹字斷 夜淡拜半月瑣窗西
畔但桂影空階滿翠帷自掩無人見羅衣寬一
半羅衣寬一半

又

君如梁上燕妾如手中扇團團青影雙雙伴秋
來腸欲斷秋來腸欲斷 黃昏淚眼青山隔岸
但咫尺如天遠病來只謝傍人勸龍華三會願
龍華三會願

又

花稍紅未足條破驚新綠重簾下徧闌干曲有
人春睡熟有人春睡熟 鳴禽破夢雲偏目覺
起來香腮褪紅玉花時愛與愁相續羅裙過半
幅羅裙過半幅

夜遊宮

苦俗

幾箇相知可喜才厮見說山說水顛倒爛熟只
這是怎奈何一回說一回美 有箇尖新底說
底話非名非利說的口乾罪過你且不罪俺畧
起去洗耳

戀繡衾

無題

長夜偏冷添被兒枕頭兒移了又移我自是笑
別人底却元來當局者迷 如今只恨因緣淺
也不會抵死恨伊合手下安排了那筵席須有
散時

杏花天

無題

病來自是於春懶但別院笙歌一片蛛絲網遍
玻璃盞更問舞裙歌扇 有多少鶯愁蝶怨甚
夢裏春歸不管楊花也笑人情淺故故沾衣撲
面

又

牡丹昨夜方開徧畢竟是今年春晚荼蘼付與
薰風管燕子忙時鶯懶 多病起日長人倦不
待得酒闌歌散甫能得見茶甌面却早安排腸
斷

又
嶺杜

牡丹比得誰顏色似宮中太真第一漁陽鼙鼓
邊風急人在沉香亭北 買栽池館多何益莫
虛把千金拋擲若教解語應傾國一箇西施也
得

唐河傳
徵花
調體

春水千里孤舟浪起夢攜西子覺來村巷夕陽

斜幾家短牆紅杏花 晚雲做造些兒雨折花
去岸上誰家女太顛狂那邊柳線被風吹上天

醉花陰 為人壽

黃花漫說年年好也趁秋光老綠鬢不驚秋若
鬪算前人好花堪笑 蟠桃結子知多少家住
三山島何日跨飛鸞滄海飛塵人世因緣了

品令 元祐變入十
表索併語

夏休說便是箇佳世觀音菩薩甚今年容貌入
十歲見底道纔十八 莫獻壽星香燭莫祝靈
椿龜鶴只消得把筆輕輕去十字上添一撇

惜分飛 春
愁

翡翠樓前芳艸路寶馬墜鞭暫駐最是周郎顧
幾度歌聲誤 望斷碧雲空日暮流水桃源何
處聞道春歸去更無人管飄紅雨

柳梢青 和范光之席
上賦社丹

姚魏名流年年攪斷雨恨風愁解釋春光刺須

破費酒令詩籌 玉肌紅粉溫柔更染盡天香
未休今夜簪花他年第一玉殿東頭

又 三
白鷗見廟

白鳥相迎相憐相笑滿面塵埃華髮蒼顏去時
曾勸聞早歸來 而今豈是高懷為千里尊羹
計哉好把移文從今日日讀取千回

又 辛酉生日前兩日夢一道士語長年之
術夢中痛以理析之覺而賦入難之辭

莫鍊丹難黃河可塞金可成難休辟殺難吸風
飲露長忍飢難 勸君莫遠遊難何處有西王
母難休采藥難人沉下土我上天難

河瀆神 女城河物
花間體

芳艸綠萋萋斷腸絕浦相思山頭人望翠雲旗
蕙肴挂酒君歸 惆悵畫簷雙燕舞東風吹散
靈雲香火冷淺簫鼓斜陽門外今古

武陵春 春
興

桃李風前多嫵媚楊柳更溫柔喚取笙歌爛熳

遊且莫管閒愁 好趁晴時連夜賞雨便一春
休艸艸盃盤不要收纔晚又扶頭

又

走去走來三百里五日以為期六日歸時已是
疑應是望多時 鞭筒馬兒歸去也心急馬行
遲不免相煩喜鵲兒先報那人知

謁金門

無題

遮索月雲外金蛇明滅翻樹啼鴉聲未微雨聲
驚落葉 寶炬成行嫌熱玉腕藕絲誰雪流水
高山絃斷絕怒蛙聲自咽

又

山吐月畫燭從教風滅一曲瑤琴纔聽徹金蕉
三兩葉 驟雨微涼還熱似欠舞瓊歌雪近日
醉鄉音問絕有時清淚咽

又

歸去未風雨送春行李一枕離愁頭徹尾如何

消遣是 遙想歸舟天際綠鬢雅聰慵理好夢
未成鴛喚起粉香猶有殢

酒泉子

無題

流水無情潮到空城頭盡白離歌一曲怨斷
腸人 東風官柳舞離牆三十六宮花濺淚春
聲何處說興亡燕雙雙

霜天曉角

與

吳頭楚尾一棹人千里休說舊愁新恨長亭今
如此 宦游吾倦矣玉人畱我醉明日落花寒
食得且住為佳耳

又

算山層碧掠岸西風急一葉軟紅淡處不是利
名客 玉人還佇立綠窗生怨泣萬里衡陽歸
恨先倩雁寄消息

點絳脣

霽博山寺開光風正人微恙而歸時春漲漸橋

隱隱輕雷雨聲不受春回護落梅如許吹盡牆

邊去 春水無情礙斷溪南路憑誰訴寄聲傳
語沒箇人知處

又

身後虛名古來不換生前醉青鞋自喜不踏長
安市 竹外僧歸路指霜鍾寺孤鴻起丹青手
裏剪破松江水

生查子

山行寄楊民瞻

昨宵醉裏行山吐三更月不見可憐人一夜頭
如雪 今宵醉裏歸明月關山笛收拾錦囊詩
要寄楊雄宅

又

民瞻見和再用韻

誰傾滄海珠撥弄千明月喚取酒邊來軟語裁
春雪 人間無鳳凰空費穿雲笛醉裏却歸來
松菊陶潛宅

又

有竟詞者為賦

去年燕子來繡戶淡淡處花徑得泥歸都把琴

書污 今年燕子來誰聽呢喃語不見捲簾人
一陣黃昏雨

又

獨遊西巖

溪邊照影行天在清溪底天上有行雲人在行
雲裏 高歌誰和余空谷清音起非鬼亦非僊
一曲桃花水

又

青山招不來偃蹇誰憐汝歲晚太寒生喚我溪
邊住 山頭明月來本在天高處夜夜入清溪
聽讀離騷去

又

青山非不佳未解畱儂住赤腳踏層水為愛青
溪故 朝來山鳥啼勸上山高處裁意不關渠
自在尋詩去

又

簡吳子似縣尉

高人千丈崖太古儲水雪六月火雲時一見森

毛髮 俗人如盜泉照影成昏濁高處掛吾瓢
不飲吾寧渴

又和趙晉臣
數次春雪

漫天春雪來纔抵梅花半最愛雪邊人些些裁
成亂 雪兒偏解歌只要金盃滿誰道雪天寒
翠袖闌干暖

又

梅子褪花時直與黃梅接煙雨幾曾開一春江
裏活 富賢使人忙也有閒時節莫作路旁花
長教人看殺

又題京口郡
治慶表亭

悠悠萬世功屹屹當年苦魚自入溪洲人自居
平土 紅日又西沉白浪長東去不是望金山
我自思量禹

尋芳艸 嘲陳辛
交德內

有得許多淚更聞却許多驚被枕頭兒放處都

不是舊家時怎生睡 更也沒書來那堪被雁
兒調戲道無書却有書中意排幾箇人人字

阮郎歸 來陽道中為張
處父推官賦

山前燈火欲黃昏山頭來去雲鷓鴣聲裏數家
村瀟湘逢故人 揮羽扇整綸巾少年鞍馬塵
如今憔悴賦招魂儒冠多誤身

昭君怨 豫章寄張
守定叟

長記瀟湘秋晚歌舞橘洲人散走馬月明中折
芙蓉 今日西山南浦畫棟朱簾雲雨風景不
爭多奈愁何

又送范楚老
遊別門

夜雨剪殘春悲明日重斟別酒君去問曹瞞好
公安 試看如今白髮却為中年離別風雨正
崔嵬早歸來

又

人面不如花面花到開時重見獨倚闌干許多

山 落花西風時候人共青山都瘦說到夢陽
臺幾曾來

烏夜啼 山行約范
先之不至

江頭醉倒山公月明中記得昨宵歸路笑兒童
溪欲轉山已斷兩三松一段可憐風月欠詩

翁

又 先之見和
復用韻

人言我不如公酒盃中更把平生湖海問兒童
千尺蔓雲葉亂繁長松却笑一身纏繞似衰

翁

又

晚花露葉風條燕燕高行過長廊西畔小紅橋
歌再唱人再舞酒纔消更把一盃重勸摘櫻

桃

一絡索 詞
也

羞見鑑鸞孤却倩人梳掠一春長是爲花愁甚

夜夜東風惡 行遶翠簾珠箔錦牋誰記玉觴
淚滿却停觴怕酒似郎情薄

又 信守王道夫席上用
達夫賦金林檎韻

錦帳如雲處高不知重數夜淡銀燭淚成行算
都把心期付 莫待燕飛泥污問花花訴不知
花定有情無似却怕新詞妒

如夢令 賦梁
燕

燕子幾曾歸去只在翠巖溪處重到画梁間誰
與舊巢爲主淡許淡許聞道鳳凰來住

憶王孫 秋江送別
集古句

登山流水送將歸悲莫悲兮生別離不用登臨
怨落暉替人非惟有年年秋雁飛

蔡元工於詞清康中隱虜庭稼軒以詩

詞謁見蔡曰子詩則志也他日當以詞名

家故稼軒晚年來卜築奇鄉喜工長短

句累五百首有奇但詞家爭聞穠纖而

稼軒年多接時感事之作磊砢英爽絕
不作姑子態宋人以東坡爲詞詩稼軒爲詞
論善評也古度毛晉記

